

40
961

140

43

საბავშვო
გაზეთი



პიონერი 1
1961

საბავშვო
გაზეთი
საბავშვო
გაზეთი



ლინოგრაფიურა.

მხატვარი თ. მანოხინი

სწავლა,

სწავლა და

სწავლა!

სამოყურადღებო არდადეგებზე



მურმან ლეხანიძე



თუ მოაფრინე შინ
„ოთხი“ და „ხუთი“ მრავლად,
თუ სამიანებს „ორი“
არც ვაურიე წამლად —
დიდებულისა მაშინ
არდადეგები ზამთრის:
თოვს, დიდის ამბით თოვს,
მღერის თოვლი და ბარდნის.

ჩვენ კი ხალისით გვაგვსებს
არდადეგები ზამთრის.
ბებო ვადაგვთვლის ბავშვებს,
ახლას ჩურჩხელებს დათვლის,
ჩაფითბუხებით თბილად,
დღეა ოცნების, ნატურის...
თოვს, ხვავრიელად თოვს —
ახალწლის მერე ბარდნის!



და თუ სამოცი წლიდან
სამოცდაერთის მგზავრად
დაგვეა წვეული ტვირთი —
ზრუნვად, წუხილად, ჯავრად,
ჰო, რა მწუხარედ თოვს,
ბუზღუნებს თოვლი ცაში —
რა ემღერება თოვლს!
რა გეთოვლებს მაშინ!

ხოლო სადამო ხანად —
ისევ ბუნარი შიგნით!
ან ჯადრაკი და ხატვა,
ან საეყვარელი წიგნი!
მესამე მეოთხედი...
სასწავლო წელი მიჰქრის...
და კვლავ ოცნება სკოლის!
და კვლავ სწავლასზე ფიქრი!



თუ მოაფრინე შინ
„ოთხი“ და „ხუთი“ მრავლად,
თუ სამიანებს „ორი“ —
არც გირევიან წამლად —
დიდებულისა მაშინ
არდადეგები ზამთრის:
თოვს, დიდის ამბით თოვს,
მღერის თოვლი და ბარდნის.

საქართველოს ალკა ცენტრალური კომიტეტისა და ვ. ი. ლ ე ნ ი ნ ი ს სახელობის ნორჩ პიონერთა ორგანიზაციის რეკლამისა და საზოგადოებრივი საზოგადოებრივი უწყველთვიური საგანმანათლებლო უწყისი

რედაქტორი რევაზ მარგიანი

სარედაქციო კოლეგია: შ. ბერიანიძე, მ. ლეხანიძე (პ/მგ. მდივანი),

მარიჯანი; რ. ქორქია, რ. ელანიძე, გ. ფოცხიშვილი

(სამხატვრო რედაქტორი)

გამოცემის წელი
XXXV

პიონერი 1
1961

სურვილი გზაში



ჩვენს ინანივილი

ნახ. ზ. ლევინა

მ ო თ ხ რ ო ბ ა

დღეს უკვე ვეღარ მომიგონებია—ათას ცხრაას ორმოცდაექვსი წლის ბოლო რიცხვები იყო, თუ ათას ცხრაას ორმოცდაშვიდი წლის დასაწყისი. ის კი კარვად მახსოვს, რომ კვირა დღე იყო. მე მაშინ პირველი კურსის სტუდენტი ვიყავი, სტუდენტთა ქალაქში ვცხოვრობდი და, რადგან თბილისში ჯერ ისევ სასურსათო ბარათებით იძლეოდნენ პურსა და სხვა საჭმელებს, ყოველ კვირა დღეს ფიცრის ერთი ყვითელი ჩემოდნით სიმინდის ფქვილს, ლობიოს, ხილს და ასეთ რამეებს ვეზიდებოდი სოფლიდან. თქვენ ალბათ გაგიკვირდებათ—განა იმდენს რას ჭამდი, რომ ყოველ კვირა ეზიდებოდიო! წარმოიდგინეთ რომ, ვიხსენებოდი. ომიანობისა და იმის მომდევნო წლებში ყველას საოცრად კარგი მადა გვქონდა. ერთხელ, მაგალითად, ერთი მთელი ფურნის პური ჩამივარდა ხელში, ცხელი ფურნის პური, რა თქმა უნდა, შავი ფურნის პური, რომელიც, სულ ცოტა, ორი კილოგრამი მაინც იქნებოდა. დავჯექი და, როგორ გგონიათ, რამდენს დავტოვებდი ვახშმისათვის? ნამცეცეცი კი არ დამიტოვებია. აი, ასეთი მადა გვქონდა მაშინ! თუმცა ამას არავითარი კავშირი არა აქვს იმასთან, რაც მე უნდა გაიმბოთ!

კარგად ის მახსოვს-მეთქი, რომ კვირა დღე იყო, ისიც მახსოვს, რომ დიდი თოვლი იყო და ჩემი სოფლიდან სადგურამდე რვა თუ ცხრა კილომეტრი უნდა გამეგლო. ახლა სულ სხვაა. ახლა ცხრა კილომეტრს ვილა გაივლის ფეხით, როცა ამდენი მანქანებია! მაშინ კი ყველა გადიოდა—ქალიც და კაციც, ბებერიცა და ახალგაზრდაც. მე ახალგაზრდა ვიყავი და, მიუხედავად იმისა, რომ თოვლი თითქმის მუხლამდე მწვდებოდა და მხარზე ის ფიცრის ორფუთიანი ყვითელი ჩემოდანი მქონდა შედგმული, მაინც ყოჩაღად მივაბიჯებდი.

ჩემი სოფლიდან სადგურამდე ასეთი გზაა: ჯერ ჩვენი ვენახების ორღობეებს უნდა ჩაჰყვე, მერე ველში გახვიდე, სადაც რამდენიმე გრძელი თეთრი სახლი დგას მეცხოველეობის მეურნეობისა, მერე შიგ ბებრიჭალაში შეხვალ და, ამ უშნოდ დაგრძელებულ სოფელსაც რომ გაივლი, სადგურიც გამოჩნდება ერთ კილომეტრზე, დგას ტრიალ მინდორში მარტოდ-მარტო, თეთრად არის შეღებილი და თუნუქის წითელი სახურავი ჰხურავს!.. თუმცა ჩვენ არც სადგური გვჭირდება ამჟამად.

ფიცრის ორფუთიანი ყვითელი ჩემოდანი მხარზე მაქვს შედგმული, შარვლის ტოტები წინდებში მაქვს ჩატანებული და უკვალავ თოვლში—შლაპ-შლუპ, შლაპ-

შლუპ—მივდივარ და მივაბუქებ. ჰაერი სუფთაა, სუფთა, სუფთა, როგორც ეს მხოლოდ თოვლში იცის ხოლმე. ნისლია ჩამოწოლილი, სკვინჩა ჩიტი თუ წამოიძახებს სადღაც: სკვინჩ-სკვინჩო, სიწყნარეა.

ის იყო ველში გავედი და თეთრ სახლებს გავუბირდაბირდი, რომ ვხედავ, იმ სახლების მხრიდან, თავდაღმართზე ვილაც ეშვება. პატარაა ვილაც. მე გამიკვირდა, ეს რა უცნაური ვილაცაა-მეთქი, გაეჩერდი და ცდა დავიწყე—ერთი ახლოდან. ვნახოთ ვინ არის-მეთქი. ვინ აღმოჩნდა იცით?—იური კოლპაკოვი. არა, ამაოდ ეძებთ გამოჩენილ ადამიანთა რიგში ამ სახელს! იური კოლპაკოვი თერთმეტი წლის ბიჭი იყო, თქვის ჩექმები და მოკლე შავი პალტო ეცვა, კურდღლის ტყავის თბილი ქუდი ეხურა, ზურგზე წიგნების ჩანთა ჰქონდა წამოკიდებული და ოდნავ ზეპარებილი ცხვირი სიცივისაგან გასწითლებოდა. მომიახლოვდა პალტოს ჯიბეებში ხელგაწყობილი, შემომყურებს და ეცინება. „რას იცინი-მეთქი, შე პატარა მიმუნო“. „თქვენ რა, ბერი ხართო?“

ამ სიტყვებზე, ცოტა არ იყოს, დამცხა და ალბათ წამოვწითლდი კიდევც.

საქმე ისაა, რომ მე მაშინ უკვე ლექსებს ვწერდი, თავი პოეტი მეგონა და, არ ვიცი საიდან მქონდა ასეთი წარმოდგენა, რაკი პოეტი ვარ და სხვა არ არის პოეტი, რალაცით ხომ უნდა განვსხვავდებოდე-მეთქი სხვებისაგან, და აი, ამის გამო თმა თითქმის მხრებამდე მქონდა ჩამოზრდილი, ერთი რალაც გრძელი შავი პალტო მეცვა, თბილისშიაც კი თუშური ნაბდის ქუდი მეხურა და მართლაც ბერს ვგავდი. თერთმეტი წლის იურის ალბათ სურათში ენახა ბერი, ან გაეგონა სადმე დიდებისაგან, და აი, დამინახა თუ არა, გაეხარდა და იმ წუთშივე მკითხა — მართლა ბერი ვიყავი, თუ არა, ცოცხალი ბერი!.. მე, რა თქმა უნდა, პირველ დარცხვენას მალე ვძლიე, უდარდელი გამომეტყველება მივიღე და მივუგე, რომ ბერი კი არა, გიორგი სააკაძე ვარ-მეთქი. მაგრამ, როგორ გგონიათ, მოვატყუებდი თერთმეტი წლის იურის?

— გიორგი სააკაძე მეჩვიდმეტე საუკუნეში ცხოვრობდა და თურქეთში მოჰკლესო.

ორივემ გავიციინეთ. გაეჩერდი, განსწავლულ ყმაწვილთან მქონდა საქმე და ასეთი ხუმრობები არ გამომადგებოდა. მაშინ სერიოზულად ვკითხე—რომელ კლასში იყო და ახლა სად მიდიოდა.

— მეხუთეში ვარ, ბებრიჭალაში ვსწავლობ და ეხლა სკოლაში მივდივარო.

ეს რომ თქვა, კიდეც ავხედ-დავხედე: ბებრიჭალამდე სამ კილომეტრზე მეტი იყო. შესძლებდა თუ არა ამ მანძილის გავლას ასეთ თოვლში?! ავხედ-დავხედე და დაერწმუნდი, რომ შესძლებდა. ისე ყოჩაღად მოაბიჯებდა და მოაბუჭებდა თოვლს, ისეთი ცოცხალი თვალეები და ფხიზელი ზეპარებილი ცხვირი ჰქონდა, რომ უეჭველად შესძლებდა. მერე ერთხელ გავლას კი არა — გასვლას, გამოსვლას, გასვლას, გამოსვლას და კიდეც ვინ იცის რას აღარა.

მივდივართ თოვლში, მივაბიჯებთ ბებრიჭალელების ვენახების ორღობეებში და ხან ის მეკითხება, ხან — მე.

- თქვენ ჭყანტელი ხართ? — მეკითხება ის.
- ჭყანტელი ვარ-მეთქი.
- რას ნიშნავს ჭყანტე ქართულად?
- ავუხსენი რასაც ნიშნავდა.
- მერე, რატომ ჰქვია თქვენს სოფელს ჭყანტე?
- შენ სად დაიბადე? — შევუბრუნე კითხვა.
- გომელში.

— რატომ ჰქვია თქვენს ქალაქს გომელი? შემომხედა და გაეცინა.


— ეგ ვიცი.
როგორც კი ეს სთქვა, იმ წამშივე მივხდი, რომ ის ისეთი ბიჭი იყო, ნამდვილად ეცოდინებოდა რატომ ერქვა მათს ქალაქს გომელი, და მე ჩემი დავიწყე.

— თუ კი ასეა, მეც ვიცი ალბათ! ჩემი სოფლის ადგილას უწინ ჭყანტე იყო და ამის გამო დაერქვა ჭყანტე. ამით სწრაფად შევთანხმდით, რომ ადამიანები ტყუილბრალოდ არაფერს არ არქმევენ სახელს და ისევ უდრტვინველად განგაგრძეთ ჩვენი უზა. ცოტა მანძილი რომ გავიარეთ, ახლა მე ვკითხე:

- რომელი საგანი ზიყვარს ყველაზე მეტად?
- გრამატიკა. გრამატიკა და მუსიკა. თუმცა მუსიკას არ გვასწავლობან, სიმღერას. მაგრამ სიმღერის გავეითილი ან გვიცდება, ან არა და — დამრიგებელი საუბარს ჩავვიტარებს ხოლმე.



იური კოლბაკოვი თერთმეტი წლის ბიჭი იყო. თექის ჩემები და მოკლე შავი პალტო ეცვა. ზურგზე ჩანთა ჰქონდა წამოკიდებული.



— მუსიკა და რომელი?—ვკითხე დაეჭვებულმა.

— გრამატიკა.

მე ისევ ავხედ-დავხედე. ჩემკენ აღარ იყურებოდა, მაგრამ ისევ ყოჩაღად მოდიოდა, ისევ ყოჩაღად მოაბუქებდა თოვლს. დაუჯერებელ რამეს კი მეუბნებოდა. ჩემს სიცოცხლეში პირველად ვხედავდი ადამიანს, პირველად მესმოდა, რომ ვინმეს გრამატიკა ემჯობინებინა, ვთქვათ, ბუნებისმეტყველებისათვის, არითმეტიკისათვის, ან ლიტერატურისათვის. თვითონ მე ორი რამე მეჯავრებოდა ბავშვობაში—თევზის ქონი და გრამატიკა. და აი, ძმაო, მოდის ჩემს გვერდით ყოჩაღი თერთმეტი წლის ბიჭი და ვითომც არაფერი—გრამატიკა უყვარს!

ეს იმ წუთშივე მივახალე. ჩემს სიცოცხლეში პირველი შენა ხარ, რომელსაც გრამატიკა უყვარს-მეთქი.

— იცით რა?—დაიწყო რაღაც სხვა ხმით,—მე დედა მყავდა... დედა და უფროსი ძმა, ბორისი.

— მერე?

— დედა მასწავლებელი იყო. გრამატიკის მასწავლებელი; არა, გრამატიკისა კი არა, რუსული ენის მასწავლებელი; მაგრამ გრამატიკა უყვარდა. ჩემს ძმას კი ეჯავრებოდა. მერე დედა ასწავლიდა თვითონ. ხომ არის ხოლმე ასე, რომ თვითონ დედები ასწავლიან. სულ „ორი“, თვითონ დედა ასწავლიდა და, პაი-პაი „სამი!“

იური ნელ-ნელა, ნაწყვეტ-ნაწყვეტ, სიტყვების ყლაპვით ლაპარაკობდა.

— მერე?—ველარ ვითმენდი მე.

— მერე დედა ჩვენი ქალაქის დაბომბვის დროს და ილუბა. ძმა... ძმაც დაილუბა... გრამატიკას რომ ვსწავლობ, სულ დედაჩემის ხმა მესმის, სულ დედაჩემისა და ჩემი ძმის ხმა—დედა რომ ამეორებინებდა ხოლმე ბორისს: ზედსართავი სახელი ეწოდება, ზმნა ეწოდება... და ასეთები. წიგნსაც თითქოს დედაჩემის სუნი აქვს, მისი ხელების სუნი, მისი მაგიდის სუნი...

ამ სიტყვების შემდეგ მთელი კილომეტრი ხმის ამოუღებლად მივდიოდით. ერთი გაფიქრება გავიფიქრე—მოდის იმასაც ვკითხავ, მუსიკა რაღად გიყვარს-მეთქი. მაგრამ იმ წამშივე რაღაც შიშმა ამიტანა—გაი თუ ამ კითხვაზე კიდევ უფრო გულდასაწყვეტი პასუხი მოცა! და ისევ უხმოდ განვაგრძე გზა. რატომღაც მისკენ გახედვისაც კი მერიდებოდა.

ბებრიქალაში რომ შევედი, ხალხში რომ გავვლიეთ, მაშინ ძლივს ვკითხე: აქ, საქართველოში რატომ მთხვად და ახლა ვისთან იყო.

— მამასთან. მამა აქ მუშაობს, მეურნეობაში. მე და მამა ვართ. მამა მეურნეობის ბუღალტერია.

ცოტა ხანში ვილაც ბიჭები წამოგვეწვივნენ და დაუძახეს—იურაო. მაგრამ იურიმ მარტო ხელისაწევით მისცა სალაში და ჩემთვის თავი არ დაუნებებია.

სკოლა გზის პირას იყო. სკოლასთანაც მივედი. იძულებული ვიყავით, უნდა ერთმანეთს დავშორებოდით. მე ეს არ მინდოდა. ეტყობოდა, არც იურის უნდოდა. მაშინ ჯიბეში სენკევიჩის მოთხრობები მეღო, „იანკო მუსიკოსი“ და სხვა კარგი მოთხრობები. ამოვიღე და მივეცი. ეს ჩვენი შეხვედრის მოსაგონებლად გქონდეს-მეთქი, წავუწერე კიდევ ასე. თანაც შევბირდით, თუკი საშუალება მოგვეცემოდა, აუცილებლად გვენახა ერთმანეთი... მაგრამ მას შემდეგ მთელი თოთხმეტი წელიწადი გავიდა და აღარსად შეგხვედრივარ. ეტყობა, მამამი სი იმ მეურნეობიდან მალე სხვაგან გადაიყვანეს, იურიც თან წაიყვანა და ეს შეხვედრა ტკბილ მოგონებად-და დამრჩა. გამახსენდება ის თოვლიანი კარგი დღე, ჩემი ყვეთელი ჩემოდანი, გრძელი თმა, გრძელი შავი პალტო, გამახსენდება, როგორი გამომეტყველებით მეკითხებოდა იური, ბერი ხარო თუ არა. დავიწყებ მხიარულ კილოზე ამ ამბის მოყოლას და, როცა იქამდე მივალ, თუ რატომ უყვარდა იურის გრამატიკა, აქ ვგრძნობ, რომ რაღაცას ვაფუქებ, რაღაცას ისე ვერ ვამბობ, როგორც მაშინ იყო თქმული. მეგობრებიც ხედებიან ამას და მეუბნებიან, ეგ ამბავი დაწერე, მოყოლით შენ კარგად ვერ ყვებიო. ბევრჯერ დავაპირე და ეხლა ძლივს-ძლივობით მოვახერხე დაწერა. მაგრამ აი, თავიდან გადავიკითხე ჩემი ჩანაწერი და ისევ ვიგრძენი, რომ რაღაც გავაფუქე, რაღაც ისე ვერ დავწერე, როგორც მაშინ იყო თქმული. მაინც თავს ვინუგეშებ, რომ გამგები აქედანაც გაიგებს იმდენ რამეს, რაც ადამიანის შესაყვარებლად კმარა. მე კი მეტიც არ მინდა. თუ თქვენ იური და იურის მსგავსი ადამიანები გეყვარებათ, მე მეტი არაფერი არ მინდა. ამისათვის ცეცები ხოლმე ამ ამბავს მეგობრებთან, ამისათვის ვწერ ახლაც.



გეგვი დროა გმედებო


საქართველოს
საბავშვო ჟურნალი

თბილისის მე-10 საშუალო სკოლა.
მეექვსე მეორე კლასში რუსული ენის
გაკვეთილი მიმდინარეობს. დაფასთან
დგას ჯგუხი ტანის, შავგვრემანი
ყმაწვილი. იგი დინჯად ყვება დიდი
რუსი მწერლის — ა. ს. პუშკინის
ბავშვობის წლებზე, ჰყვება თუ რარიგ
აღფრთოვანდა პოეტი დერჟავინი,
როცა 12 წლის პუშკინმა მას საკუ-
თარი ლექსი წაუკითხა. მთელი კლა-
სი სმენადაძაბული მისდევს მის ყო-
ველ სიტყვას.

— აბა, ახლა აიღე რომელიმე წი-
ნადადება დღევანდელ გაკვეთილიდან
და გაარჩიე, — ეუბნება მასწავლებე-
ლი.

ყმაწვილი დაფაზე უშეცდომოდ
წერს საკმაოდ გრძელ წინადადებას
და იწყებს მის მორფოლოგიურ გარ-
ჩევას. მხოლოდ ერთი-ორჯერ წაიბორ-
ძიკებს, სიტყვის ბრუნების დროს.
მოსწავლეები აღტაცებით უცქერიან
თავიანთ ამხანაგს.

— ყოჩაღ, შოთა! მე დღეს შენით
კმაყოფილი ვარ. მომაწოდე დღიური,
— ეუბნება მასწავლებელი და დღიურ-
ში ნიშანს წერს.



— ბავშვები სიხარულს ვერ მალავენ.
«ოთხიანი მიიღო, ოთხიანი», — თვა-
ლებგაბრწყინებულნი გადაუჩურჩუ-
ლებენ ერთმანეთს.

ასეთივე ამბავი განმეორდა მომდევ-
ნო გაკვეთილზე. არითმეტიკის მას-
წავლებელმაც «ოთხზე» შეაფასა შოთას
ცოდნა და თანაც შეაქო. აუწერელი
იყო მთელი კლასის სიხარული.

მაგრამ, რატომ მაინცადამაინც
შოთას ოთხიანებმა გაახარა ამხანაგე-
ბი, როცა ნინო ქსოვრელის, მერაბ
კალანდაძის, ცირა ასლანიშვილისა და
სხვათა მიერ მიღებულ ხუთიანებს
ჩვეულებრივი იერიითა და დუმილით
შეხვდნენ?

შოთას ამბავი ცოტა შორიდან უნ-
და დავიწყოთ.

... სასწავლო წლის პირველი დღე
იყო. ზარი დაირეკა და მეექვსე მეორე
კლასელებმაც თავიანთ მერხებს
მიაშურეს. იწყებოდა გაკვეთილი, რო-
მელსაც თვით კლასის ხელმძღვანელი,
ახალგაზრდა მასწავლებელი მერი გა-
ჩეჩილაძე ატარებდა. ის იყო, მასწავ-
ლებელი მოსწავლეთა სიის ამოკითხ-

ვას შეუდგა, რომ უცე-
რად, ვილაცამ კარები
ფეხის კერით შემოაღო.
კარებში 14-15 წლის,
თმაგაჩეჩილი, საკინძ-
გაღვილი, ჯიბეებში
ხელბრაწყობილი, შავ-
ტუხა ყმაწვილი იდგა.

— ეს მეექვსე მეორე
კლასია? — იკითხა მან
აგდებული კილოთი და
მასწავლებელს გამომწე-
ვევად მიაჩერდა.

— დიახ, ეს მეექვსე
მეორე კლასია, — მიუგო
უცნობი მოსწავლის ამ
ურჩევულო შოურიდებ-
ლობით შემცბარმა მას-
წავლებელმა.

— ჰოო? ძალიან კარ-
გი. მაშ მეც აქა ვარ! —
დამცინავად ჩაიღიმა
შემოსულმა და უკანა
მერხისაკენ გასწია.

— დაიცა, — შეაჩერა იგი მასწავ-
ლებელმა, — ჯერ ხომ არ ვიცით, ვინა
ხარ, რა გქვია, რა გვარისა ხარ.

— ჩიხლაძე ვარ, შოთა... ჰოდა,
დავჯდე თუ არა?

«აი, ვინ ყოფილა შოთა ჩიხლაძე!
— გაიფიქრა მასწავლებელმა. — ჩემი
სადამრიგებლო კლასის ახალი მოს-
წავლე, ორწლიანი, «ყოვლად გა-
მოუსწორებელი», როგორც გადმო-
ცეს. მართლაც «მაგარი მასალა» ჩანს.
მით უკეთესი!» — და კლასის ხელმძღვა-
ნელმა გადაწყვიტა ამ წუთიდანვე
შესდგომოდა საქმეს. იგი მიუახლოვ-
და შოთას, აჩეჩილი თმები თითებით
შეუსწორა და დაყვავებით უთხრა:

— მერე, შე კაი კაცო, რომ მოდი-
ხარ თავადებული, იცი კი რომელ
მერხზე უნდა დაჯდე? აქ უკვე ყველას
აქვს საკუთარი მერხი. წინა გაკვე-
თილზე რატომ არ იყავი?

— დამაგვიანდა.
— ბიონერის ყელსახვევი რატომ არ
გიკეთია?

— შინ დამრჩა.
— აბა, სად გინახავს მოსწავლე ასე
გულგაღვილი, უყელსახვევოდ მო-
დიოდეს სკოლაში? — მასწავლებელმა
თავის ხელით შეუბნია შოთას საკინ-
ძეზე ღილები. უკანასკნელი ღილის
შებნევა არ დაანება დამორცხვებულმა
ბიჭმა: — ამას მე თვითონ... მასწავ-
ლებელო...

— აი, აქ დაჯდები, თემურის გვერ-
დით, საუკეთესო მოსწავლეა. იმედი
მაქვს, მალე დამეგობრდებით.

ისტობარგატეხილი შოთა დაჯდა
პირველ მერხზე, მასწავლებლის პირ-
დაპირ. მთელი გაკვეთილის მანძილ-
ზე არც კი განძრეულა.

პირველ ხანებში თავის დროზე მო-
დიოდა სკოლაში. მართალია, გაკვე-
თილებს წინანდებურადვე არ ამზა-
დებდა, მაგრამ შედარებით უფრო
თვინიერი და გამგონე გახდა. კლა-
სის ხელმძღვანელს თანდათან მეტი
იმედი ეძლეოდა.

შოთა ჩიხლაძემ დღესაც კარ-
გად მოამზადა გაკვეთილი რუსულ
ენაში.

მაგრამ, მოულოდნელად, კლასის ხელმძღვანელი სამიოდე დღით შეუძლოდ გახდა და სკოლაში ვერ მოვიდა. ხოლო როცა გამოჩნდებოდა, მეტად გულსატკენი ამბავი დახვდა: შოთა ერთ-ერთ მასწავლებელს უხეშად შეესიტყვა, გაკვეთილი დემონსტრაციულად მიატოვა და აგერ, სამი დღეა, სკოლაში არ გამოჩენილა. იმ საღამოსვე გაემართა კლასის



ურალელ თანატოლებს მეგობრულ ბარათს სწერენ თბილისელი ბიონერები.



შეიქმხვალა სწავლებლები ფიზიკის პირველად სწავლობენ. თურმე რაოდენ საინტერესო ყოფილა ეს საკანი!

ღვანელისა და უფროსი ბიონერხელმძღვანელის მონაწილეობით. გადაწყვიტეს, განსაკუთრებული ყურადღება გამოეჩინათ შოთა ჩიხლაძის მიმართ, რაზმის თითოეულმა წევრმა თავის ერთ-ერთ უპირველეს მოვალეობად გაიხადა ჩამორჩენილი ამხანაგისადმი დახმარების გაწევა, რათა კვლავ გელევივებინათ მასში სწავლისადმი სიყვარული, აღმზრდელებისა და ამხანაგებისადმი პატივისცემის გრძნობა.

ასე გადიოდა დღეები, კვირეები და თვეები. მასწავლებლებისა და ამხანაგების ყოველდღიური ზრუნვით გულგამთბარ შოთაში თანდათან გარდატეხა მოხდა; თანდათან იძენდა საბჭოთა მოსწავლისათვის აუცილებელ ჩვევებს. იგი ბეჯითად შეუდგა გაკვეთილების დამზადებასაც, და თუ ახალი სასწავლო წლის დასაწყისისათვის მას თითქმის ყველა საგანში შეფასება ჰქონდა — «2», პირველი მეოთხედის ბოლოს ორიანების რიცხვი სამამდე დაიყვანა, შემდეგ კი მთელი რწმენით განაცხადა: იანვრის არდადეგებისათვის არც ერთი ორიანი არ მეყოლებო.

ხელმძღვანელი შოთას ბინისაკენ. გაცნო მის ოჯახურ მდგომარეობას. რაოდენ განცვიფრდა შოთა, ქუჩაში თამაშით დაქანცულს შინ რომ მერი მასწავლებელი დაუხვდა.

— რა გინდათ ჩემგან? არ დავბრუნდები სკოლაში და არა. მასწავლებლები მემტერებიან, სულერთია მაინც არ გამახარებენ, — გაიძახოდა ჯიუტად.

ხან ალერსიანი, ხან მკაცრი კილოთი კარგა ხანს არწმუნებდა იმ ღამეს მასწავლებელი გზას აცდენილ ყმაწვილს, სანამ სიტყვა არ ჩამოართვა, რომ მეორე დღეს უთუოდ გამოცხადდებოდა სკოლაში. ამჯერად შოთამ არ გატეხა თავისი სიტყვა.

მეორე დღეს რაზმის საბჭოს საგანგებო სხდომა შედგა, კლასის ხელმძღვანელისა და უფროსი ბიონერხელმძღვანელის მონაწილეობით. გადაწყვიტეს, განსაკუთრებული ყურადღება გამოეჩინათ შოთა ჩიხლაძის მიმართ, რაზმის თითოეულმა წევრმა თავის ერთ-ერთ უპირველეს მოვალეობად გაიხადა ჩამორჩენილი ამხანაგისადმი დახმარების გაწევა, რათა კვლავ გელევივებინათ მასში სწავლისადმი სიყვარული, აღმზრდელებისა და ამხანაგებისადმი პატივისცემის გრძნობა.

უხარიათ, გულთ უხარიათ შოთა ჩიხლაძის წინსვლა მეექვსე მეორეკლასელებს — მე-7 ბიონერულ

რაზმის წევრებს. ტყუილად როდია მე-7 რაზმი ერთ-ერთი სამაგალითო-თავანი მთელ რაზმულში. მან მიზნად დაისახა «შეიღწევის თანამგზავრი რაზმის» საპატიო წოდება მოიპოვოს. ამის მისაღწევად კი პირველ რიგში საჭიროა სანიმუშო სწავლა, შრომისადმი სიყვარული, პიონერული მოვალეობების პირნათლად შესრულება. რაზმი იბრძვის, რათა მის რიგებში არ იყოს არც ერთი აკადემიურად ჩამორჩენილი პიონერ-მოსწავლეთა რაზმის საბჭოს თავმჯდომარე — ევგენია ჯანეზაშვილი ფრანგული ენის უკეთ დაუფლებაში ეხმარება ლილი ჯიომვილს, გრუნია ქათამაძეს, ემზარ ალავერდაშვილს; ნანული გოგიჩაშვილი ნანული მარდიშვილს ამეცადინებს სხვადასხვა საგნებში. თემურ მამაჯანოვი მის გვერდით მჯდომ, ამჟამად უკვე დამეგობრებულ შოთა ჩიხლაძესთან ერთად ამზადებს ხოლმე გაკვეთილებს. ასევე ზრუნავენ შედარებით ჩამორჩენილ მოსწავლეებზე: მანანა იამანიძე, ნინო ქსოვრელი, ნელი გვიმრაძე, მერაბ კალანდაძე და სხვა ხუთოსანი მოსწავლეები.

მაგრამ მარტო გაკვეთილების დამ-

ზადებით შორს ვერ წახვალ, თუ ცოდნის პორიზონტს არ გაიფართოვებ კლასგარეშე წიგნების შეგნებული კითხვით. ეს იცინა მეექვსე მეორე კლასელებმა და ისინი სკოლის ბიბლიოთეკის ყველაზე აქტიური მკითხველები არიან. გატაცებით კითხულობენ საბჭოთა და უცხოურიდან თარგმნილ ლიტერატურას, დამხმარე წიგნებს ისტორიასა, გეოგრაფიასა და ბიოლოგიაში.

ამის შედეგია ის, რომ, რომელი საგანიც არ უნდა აიღოთ, მოსწავლეები საფუძვლიანად ამზადებენ მიცემულ გაკვეთილებს, სწორად და უყოყმანოდ პასუხობენ მასწავლებლის მიერ დასმულ კითხვებზე, ყოფაქცევითაც სანიმუშონი არიან მთელ სკოლაში.

მოსწავლეები ჩაბმულნი არიან ფრანგული მეტყველების, ფერწერის, ქორეოგრაფიულ და სხვა წრეებში. ბიჭების უმრავლესობა ქართული ჭი-

დაობის წრეშიც მეცადინეობს. გოგონები კი ჭრა-კერვას სწავლობენ გულმოდგინედ.

მეშვიდერაზმელებმა თავი ისახულებს ჯართის შეგროვების საქმეშიც. მათ უკვე ტონანახევარზე მეტი ჯართი ჩააბარეს სახელმწიფოს. ისინი, აგრეთვე, მოვლა-პატრონობას არ აკლებენ სკოლაში მოშენებულ ქათმებსა და მტრედებს. ყოველდღიურად თავს დასტრიალებენ სკოლის დერეფნებსა და ფანჯრების რაფებზე ჩამწკრივებულ ქოთნებში ნაირფერად მოხასხასე მცენარეებსა და ყვავილებს; იბრძვიან სკოლის ყველა კუნჭულში სანიმუშო სისუფთავისათვის.


გენადი მამულაშვილს, თემურ მამაჯანოვს, ნელი გვიმრაძეს და სხვებს მეგობრული მიმოწერა აქვთ ურალელ თანატოლებთან. პიონერთა ოთახში თვალსაჩინო ადგილასაა მოთავსებული ურალელი პიონერების მიერ საჩუქრად გამოგზავნილი ალბომი ჩუსოვოს თვალწარმტაცი ადგილების ხედებით და წიგნი — «მოგზაურობა ურალში». არც თბილისელი პიონერები დარჩენილან ვალში, მათაც გაუგზავნეს ციმბირელ მეგობრებს სამახსოვრო საჩუქრები.

მეშვიდერაზმელებს პირობა აქვთ დადებული, რომ პიონერულ ორწლედში უფრო უკეთეს მაჩვენებლებს მიაღწევენ სწავლაში, შრომაში, ყოველგვარ სასარგებლო საქმიანობაში.

ს. შაპუჩიანი

ფოტო თ. სახაროვისა

დოდო ლაბუჩიძე მუდამ დაუზარებლად ეხმარება ჩამორჩენილ ამხანაგებს.





ბურთი ფანჯრის მინას მოხვდა! ხელიდან გაგვივარდა ჭიქა: უხერხულად შევხებთ სარკეს... და ისმის დამსხვრეული შუშის ხმა. ჩვენ დიდი ხანია შევეჩვიეთ ამას.

მაგრამ წაიკითხეთ ეს წერილი და თქვენ ყველაზე უფრო სწორედ მინის სიმტკიცე განგაცვიფრებთ. თუმცა დღეს თითქმის არაფერი აღარ არის გასაკვირი — მეცნიერება პირდაპირ სასწაულებს ახდენს და, როგორც ჩანს, ახლა მინის საოცარი გარდაქმნის დროც დადგა.

როგორ თუ გავიცნოთ? მინა ხომ ერთ-ერთი ჩვეულებრივი და ცნობილი მასალაა! საკმარისია ვახსენოთ იგი, და ჩვენს წინ ფართო ფანჯრებიანი უზარმაზარი სახლები, სარეკლამო მილები, ბროლის ჭაღები და მრავალი სხვა მინის ნაკეთობა წარმოდგება. ძნელია იპოვო ისეთი ადამიანი, რომელსაც მინა არ ენახოს, არ იცოდეს მისი მნიშვნელობა, მაგრამ მაინც შეიძლება მინის გაცნობა, უფრო სწორად, გაცნობა მისი შესანიშნავი მომავლისა.

უკანასკნელ ხანებში მინა სულ მეტად და მეტად იხმარება მშენებლობაში, ტრანსპორტსა და სოფლის მეურნეობაში, მინა დიდი წარმატებით ცვლის ლითონს, ხეს და ბეტონსაც კი. ვის არ უნახავს ჩვეულებრივი წითელი აგური, რომელიც საუკუნეთა მანძილზე ნამდვილი მონოპოლისტი იყო საშენ მასალათა შორის. ახლა გამოირკვა, რომ მალე ჩვეულებრივი აგური გზას დაუთმობს მინის აგურს. ხოლო მინის კრამიტი, მილები და სათბობი რადიატორები სიიფისა და სილამაზის გარდა, არ იქნაგებიან და ამიტომ ბევრად სჯობიან თიხისა თუ რკინის თანამოძმეებს.

მინის აგურები 1100 გრადუს ტემპერატურაზე მზადდება. შუაში ამ აგურებს ჰაერით სავსე არეები რჩება, რაც შესანიშნავად უწყობს ხელს ხმისა და თბოიზოლაციას, მინის აგურ-

ები დიდი სიმტკიცით გამოირჩევიან (ესეც თქვენი მყიფე მინა!), მასზე არ მოქმედებს არც სინესტე და არც სიმკვლე. ჯერჯერობით მხოლოდ იმის თქმაა ძნელი, გამძლეა თუ არა იგი. მაგრამ მეცნიერები ვარაუდობენ, რომ მინის მასალა გამძლეობითაც აჯობებს სხვა მასალას.

აი კიდევ მინის ერთი ნაირსახეობა: მინა-რკინა-ბეტონი. როგორც სახელწოდებიდან ჩანს, იგი სამი სულ სხვადასხვა თვისების მასალისაგან შედგება. ეს მას პირდაპირ სასწაულებრივ გამძლეობას აძლევს. ამასთან, ნახევრად გამჭვირვალეა და შესანიშნავი მასალაა დიდ საწარმოო საამქროთა გადასახურავად.

როდესაც გაიზრდებით და რომელიმე თქვენგანი მოსკოვში ცენტრალურ სტადიონზე მოხვდება, დააკვირდით მის უკანასკნელ იარუსებს. იქ კარგად შეამჩნევთ ამ მინისაგან დამზადებულ დეტალებს და გაიხსენებთ, რომ ეს მინის პირველი ნაბიჯები იყო.

მოსკოვის ერთ-ერთ დიდ შენობაში კი ასეთ სურათს წააწყდებით: ოთახში რადიატორები არ დგას, მაგრამ ფანჯრის ქვემოთ კედელი, ე. ი. ის ადგილი, სადაც ჩვეულებრივ რადიატორები დგას, ცხელია. თურმე ნუ იტყვით, მშენებლებს ბეტონის ფილებში წინდაწინვე დაუტენვიათ შუშის მილები, რომელებიც ახლა რადიატორების როლს ასრულებენ. სიტყვამ მოიტანა და, უნდა ვთქვათ, რომ მინის მილები ახლა სხვაგანაც წარმატებით ცვლიან რკინის მილებს. ბევრი თქვენგანი ყურძნის მრეწველობის რაიონებში ცხოვრობს. აბა, სცადეთ, შეიხედეთ თქვენს ღვინის ქარხნებში: ახლა იქ სულ ვერ იპოვით რკინის მილებს. ყურძნის წვენი და ღვინო გაქათბათებული მინის მილებით მიჰყვება კედლებს. ასეა ტვივის, წინანდლის, ორბელის ღვინის ქარხნებში.

ახლა მინის მილები 400 საბჭოთა საწარმოში არის გამოყენებული. შეიძლება ითქვას, რომ მინის მილების ხვედრითი წონა მრეწველობაში განუზომლად უნდა გაიზარდოს. 1965

წლისათვის ჩვენი ქარხნებზე გასული კილომეტრზე მეტი სიგრძის მილები უნდა გამოუშვებენ და ამით მილიონობით ტონა რკინას დაუზოგავენ სამშობლოს. ხომ ასეთი მრავალფეროვანია მინის აგურისა და მილების გამოყენება, მაგრამ ეს კიდევ არაფერია იმასთან შედარებით, რაც ახლახან აღმოაჩინეს მეცნიერებმა. თურმე, მინისაგან ღვინის გამტარი მავთულეების დამზადებაც შეიძლება. ასეთი მინა შეიძლება წარმატებით იქნეს გამოყენებული შენობების გასათბობად, ხოლო თუ მას შევღებავთ, იგი ფერად შუქს მოგვცემს. ასე რომ, ადვილი წარმოსადგენია როგორ შეცვლის იგი ჩვენი ქალაქების სახეს, რა საოცარი სანახაო იქნება კინოების თეატრებისა და მაღაზიების რეკლამები.

ბევრს შეგიმჩნევიათ ხის მორებით დატვირთული მატარებლები... ეს უზომო ხე-ტყე თითქმის სულ შახტებში მიდის, თაღების შესამაგრებლად. ახლა აქაც მინა შეცვლის ხეს. ლენინგრადში უკვე დაამზადეს მსუბუქი და იაფი მინის სვეტები, რომელებიც შახტებში სამაგრებად იქნება განოყენებული. კიდევ მეტი! ახლახან დონბასში ქვანახშირის საზიდი მინის ვაგონები გამოსცადეს. ყველა თქვენგანმა იცის, რომ ქალაქი მერქნისაგან მზადდება. ისიც იცით, რომ ქალაქი მეტად არამყარი მასალაა, მასზე დამლუბგელად მოქმედებს სინესტე, ტემპერატურა. შუქი, მიკრობები და მწერები. ახლა ირკვევა, რომ, თურმე, შესაძლოა ქურნალ-გაზეთები მინის ქალაქადზე დაიბეჭდოს. აბა მაშინ ნახეთ ნაბეჭდის გამძლეობა — ალბათ ათასობით წელს შეინახავს იგი ასოებს.

ჩვენ რომ აქ მინის ყველა ნაირსახეობა ჩამოგვეთვალა. ამ წერილს ბოლო არ ექნებოდა. მინის საოცარი შესაძლებლობის საილუსტრაციოდ უკვე მოყვანილი მაგალითებიც კმარა. გახსოვდეთ კი, რომ მისი შესაძლებლობა ვერ ოდნავადაც არ არის ამოწურული.



პლიპარ ყიფიანი



ნახ. ჯ. ლოლუასი



მობრობა

როდესაც მამამ მითხრა, წელს საზაფხულოდ სოფელში ვერ წავალთო, თავზარი დამეცა. წარმოვიდგინე, რომ ბავშვებიდან მხოლოდ მე დავრჩებოდი მთელს ქალაქში, მხოლოდ მე—ერთადერთი გოგო. რაღა უნდა მექნა?—ვფიქრობდი გულში. ბიჭი მაინც ვყოფილიყავი, მაშინ აღარ შემეშინდებოდა მარტომდარტო ქალაქგარეთ სიარული, თბილისის ზღვაზე ან ლისის ტბაზე გასიარება—მეთქი.

მაგრამ ჩემი შიში ცრუ გამოდგა. აქამდე მეგონა, ზაფხულობით არც ერთი ბავშვი არ რჩებოდა თბილისში, რომ ქალაქი მთლიანად უფროსების ბატონ-პატრონობაში გადადიოდა, მაგრამ ასე არ ყოფილა. ის კი არა და, მარტო ჩვენს უბანში იმდენი ბავშვი დარჩა, რომ ერთი დიდი სახლის დიდ ეზოში პიონერთა ბანაკიც გახსნეს. მე, რა თქმა უნდა, ერთ-ერთი პირველთაგანი ჩავეწერე ამ ბანაკში.

მრავალი საინტერესო ექსკურსია მოვაწყეთ ამ ზაფხულს, მრავალი საინტერესო საღამო ჩავატარეთ, მაგრამ რუსთავის მეტალურგიული ქარხნის დათვალიერების შემდეგ მე და ეთერს ერთი აზრი დაგვებადა: გადავწყვიტეთ თბილისის ქუჩებსა და ეზოებში გვევლო და ჯარით შეგვეგროვებინა. არდადეგების დამთავრებამდე კიდევ ბევრი დრო იყო დარჩენილი და იმედი გვქონდა, ამ ხნის განმავლობაში ბლომად შეგვაგროვებდით რკინეულს, თუკი, რა თქმა უნდა, ამ საქმიანობაში სხვა პიონერებიც ჩაებმებოდნენ.

ჩვენი ეზოს პიონერთა ბანაკში იყო ერთი ბიჭი, თმებაბურძვინილი, მუდამ წარბეკრული, დიდი უკმეხი მოლაპარაკე და გოგოების მოძულე. თუმცა არც ბიჭებს ებუებოდა და, თუ რამე მიიწეზს იშოვიდა, ყველას ქირდავდა და ეჩხუბებოდა. ბუბა ერქვა. არავინ ვიცოდით, რატომ იყო ბუბა ასე უშინ ხასიათისა. ზოგი ამბობდა, მამა დაეღუბა, უმამოდ იზრდებოდა და ამან დააჩინა თავისი დელი; ზოგი ამბობდა, დედის მეორედ გათხოვებამ უფრო იმოქმედა ბავშვზე, ვიდრე მამის დაღუპვამო. ზოგი კი ამ მიზეზებს არაფრად აგდებდა და ამტკიცებდა, ბუბა დაბადებით ურჯულად და უხიავად გაჩნდა, მისი მუავე ხასიათი არც მშობლების ბრალია და არც არავისია.

ბანაკის დაარსების მეორე დღეზევე პიონერბუნებშიმდგანელმა გამოგვიცხადა: აგვისტოში ბანაკის ოც საუკეთესო პიონერს ტურისტულ ლაშქრობაში წავიყვანთ ბორჯომის ხეობის მიდამოებშიო. ეს იმას ნიშნავდა, რომ ლაშქრობის მონაწილენი ნახავდნენ ვარძიის გამოქვაბულს, ასპინძის ისტორიული ბრძოლის ველს, ესტუმრებოდნენ ანაღციხელ მალაროელებს, დათვალთვლებდნენ ვარსკვლავებით მოჭედულ ცას აბასთუმნის ოზნერვატორიის უზარმაზარ ტელესკოპებიდან. „ოცი საუკეთესო პიონერი“ კი იმას ნიშნავდა,

რომ პიონერთა ბანაკის ყველა ოწინისძიებაში აქტიური მონაწილეობა მიგელო, გამოგეჩინა თაონსობა და პირნათლად შეგესრულებინა ყველა ვალდებულება.

ბუბამ კი... სწორედ ამის თქმა მინდოდა... ბუბამ ისეთი დანაშაული ჩაიდინა, ბორჯომის ხეობაში ხაექსკურხიოდ წასვლა აღარ ეწერა ბედად. აბა, როგორ ჩათვლიდნენ საუკეთესო პიონერად იმ ბავშვს, რომელმაც შურიანობის გამო თავის ამხანაგს გაარტყა? ჰო, სწორედ რომ შურმა დააბრმავა ბუბა, როდესაც ჩვენი ბანაკის ყველაზე კარგ სპორტსმენს, ბაკურს, მუშტი ჩაჭკრა ცხვირში და სისხლი ადინა. ბაკურმა კი იმდენი სულგრძელობა გამოიჩინა, ხელი არ შეუბრუნებია ბუბასათვის, მიუხედავად იმისა, რომ ნამდვილად აბურთავებდა და ცემით დაუჟავდა. რა მოხდა ასეთი? ბევრი არაფერი. ბანაკის სპარტაკიადაზე სირბილშიც აჯობა ბუბას, თუკზე ასვლაშიც და ღერძე ვარჯიშშიც, ეს არც არავის გაკვირვებია, რადგან ვიცოდით, ბაკური დიდი ხანია დადიოდა სპორტულ სკოლაში. მაგრამ, როდესაც ვერც ერთი ცურვაზე მიდგა, ბუბას წუთით გაეხსნა მოღუშული წარბები; იგი კარგად ცურავდა და იმედი ჰქონდა ახლა მაინც აჯობებდა ბაკურს. მაგრამ არც ეს იმედი გაუმართლდა. მსაჯებმა აღნიშნეს, რომ მეტოქენი ერთად მოვიდნენ ფინიშთან. ჯერ წყლიდანაც არ იყენენ ამოსულნი, რომ ბაკურმა გაიღიმა და ნიშნი მოუგო ბუბას:

— აქაც კინალამ გაჯობე; არაუშავს, გაიზრდები და ისწავლი ცურვას!

ეს ხუმრობით თქვა ბაკურმა, მაგრამ ბუბას ბრაზი ყელში მოაწვა, მოიქნია მუშტი და ცხვირში გაარტყა ბაკურს. წყალი წითლად შეიღება. ბუბა საცურაო აუზის მოაჯირზე ამოხტა და მუშტებმოდერებული ელოდებოდა ბაკურს. ეგონა, სამაგიეროს გადახდას ეცდებოდა მეტოქე. მაგრამ აქაც გაუცრუვდა იმედი. ბაკური წყლიდან ამოვიდა, ნაპირზე დაჯდა და თავი მაღლა ასწია, რომ სისხლის დენა შეეჩერებინა. ამ ხნის განმავლობაში ბუბა დაძაბული იდგა და აღელვებული ფშვინავდა. ბოლოს ბაკური წამოაღდა, ერთი გადახედა ბუბას და მოსბო თავისი სიტყვებით:

- შეცოდები; შე საწყალო!—და თავის გზა გაუღდა. ბუბა გაშრა, არ მოელოდა საქმის ასე დამთავრებას.
- დედალო!—წამოიძახა მან და ბაკურს აედევნა.
- კრივი არ არის ჩვენი სპარტაკიადის პროგრამაში, თორემ გაჩვენებდი რა დედალიც ვარ!—თქვა ბაკურმა. ორივენი ერთ ხანს გაშეშებული იდგნენ. მერე ბაკურმა გასისხლიანებული ცხვირ-სახოცი ჯიბეში ჩაიღო და წავიდა.



ყველაფერი ეს იმიტომ გავიხსენე... იმიტომ გავიხსენე, რომ... ბუბა მეცოდება. მეცოდება, რადგან იგი არავის უჯარს ბანაკში. მინანება, რომ იგი ცუდი ბიჭია. მე მინდა ყველა კარგი იყოს. ყველა ბავშვი. ყველა ჩემი ახმანაგი, არასოდეს დაფიქრებულვარ იმაზე, რომ შეიძლება ადამიანი ცუდი იყოს. შურიანიც იყოს. არავინ უჯარდებს და არავის უჯარდებს. მაგრამ... მაგრამ მგონი ვტყუივარ—მე ისეთი გულჩვილი ვარ. ისეთი საწყალი გული მაქვს, რომ ბუბა არ მიჯავრება. რატომღაც მგონია. ასეთი ადამიანის შეყვარება შეიძლება. მგონია. თუ გულთბილად და უურადღებით მოეპყრობი... არ ვიცო. არ ვიცო. იქნებ ვცდები. იქნებ სისულელეს ვამბობ...

როდესაც ჩემი და ეთერის თაოსნობას ბანაკის უფროსმა მხარი დაუჭირა. გადაწყდა ჯარის მომგროვებელთა რაზმები ჩამოყალიბებულიყო. მაგრამ იმდენი მოხალისე ვაჩნდა, რომ ყველას სურვილი რომ დაეკმაყოფილებინათ. ბანაკის სხვა წრეები. ალბათ, თავისთავად უიშულებოდა.

ასე არ ივარგებს! —თქვა ბანაკის უფროსმა და ირგვლივ წრედ შემოსალტულ ბავშვებს გადახედა. —ჩამოვყალიბდით ორი რაზმი. თითოში ოთხი-ხუთი პოინერი რომ იყოს. საქმარისი იქნება... შეგროვებულ ჯაროს ჩაბარებთ რკინეულობის საწყობში. თქვენ ყველამ კარგად იცით, რას ხმარდება შეგროვებული რკინეული —რუსთავის მეტალურგიული ქარხნის მუშები მისგან გადაადნობენ თუჯსა და ფოლადს, თუჯისა და ფოლადისაგან სხვადასხვა ქარხნები დაამზადებენ ტრაქტორებს, კომბაინებს...

— გემებს! — წამოიძახა ვიღაცამ.
— რაკეტებს! — დაუვმატე მე.
— და რაკეტის სამკერდე ნიშნებს! — მომესმა უკანიდან.
ეს პატარა მიტო იყო. მას მთელი ხალათი სხვადასხვაგვარი სამკერდე ნიშნებით ჰქონდა დაფარული, შინ ერთი იმდენი კიდეც ეწყო თათვის. მაგიდის უჯრაში და ნანობდა, რომ ყველას ერთად ვერ იკეთებდა.

— ამა გარდა, — განაგრძო ბანაკის უფროსმა და სახეზე ღიმილი მოერია. — განხილეთ, რომ გამარჯვებული რაზმის წევრებს ჩვენ წავიყვანთ ტურისტულ ლაშქრობაში, ბორჯომის ხეობისაკენ. ამ ცნობამ ერთი უციოდ-ხვილი გამოიწვია ბავშვებს შორის. — პირველი რაზმის ხელმძღვანელად ბაკური დავინიშნეთ, — თქვა ბანაკის უფროსმა. — ბაკურ, შეარჩიე ოთხი პოინერი... მეორე რაზმის ხელმძღვანელად კი... — იგი უტყრად გაჩუმდა და ირგვლივ შემოკრებულ ბავშვებს შორის ვიღაცას დაუწყო ძებნა, მერე ხელი მოიჩრდილა და ეხო მოათვალერა. სახლის შესასვლელთან. კიბის საფეხურზე, მარტოდ-მარტო იჯდა ბუბა, ხელები მუხლებზე შემოხვევია და მიწას ჩასცქეროდა.

— ბუბა! — დაუძახა ბანაკის უფროსმა, — მოდი აქ!
ბუბა ზღაპრით წამოდგა და თავჩაქინდრული მოგვიახლოვდა.
— გინდა ჯარის შეგროვება? — ჰკითხა ბანაკის უფროსმა.
— არ მინდა!
— არაფერს აკეთებ ბანაკში, რამე ხომ უნდა გააკეთო?
— ჯარის შეგროვება არ მინდა!
— რაზმის ხელმძღვანელად რომ დავინიშნო?
— არა, — თავი გააქნია ბუბამ.
— გამარჯვებულ რაზმის წევრებს ტურისტულ ლაშქრობაში წავიყვანთ...

ბუბამ სწრაზად აიხედა, გამოცოცხლებული თვალები ბანაკის უფროსის მიაპყრო, თითქოს ამოწმებდა, მართალს მეუბნება, თუ არაო.

— ა, თქვი, თორემ, სხვაც ზეგრია მსურველი.
— მერედა, — სმა ამოიღო ბუბამ, მაგრამ აღელვებისაგან სიტყვა ყელში გაეჩხირა, — ვის უნდა გავჯიბროს ჩვენი რაზმი?
— ბაკურის რაზმს!
— ბაკურის?!

ბუბამ და ბაკურიმ წამით ერთმანეთს გადახედეს. ბაკური ოდნავ გამომწვევად იღიმებოდა, ბუბამ წარბები მოლუშა:

— კარგი, თანახმა ვარ, — ჩაიბურღელნა მან, — დამარცხებულ რაზმს ლაშქრობაში ხომ არ წავიყვანთ?.. ხომ დასტოვებთ, როგორც დამარცხებულს? — ბუბას რაღაც სათქმელი აწვალებდა, მაგრამ არ ამბობდა, ბოლოს გამოტყდა, — თუ დამარცხებულსაც წავიყვანთ, მაშინ არ მინდა!

ბანაკის უფროსს გაცინა.
— თუ მისმა წევრებმა რაიმე სხვა საქმეში არ გამოიჩინებთ თავი, რა თქმა უნდა, არ წავიყვანთ!
— კარგი, თანახმა ვარ! — გამიგორა ბუბამ.
— მხოლოდ, უნდა შერიგდეთ შენ და ბაკური!
— ამ სიტყვების გაგონებაზე ბუბამ უკან დაიწია.
— არ არის საქირო! — თქვა მან.
— თუ არ შერიგდებით, არც დავინიშნავთ რაზმის ხელმძღვანელებად, ლაშქრობაში სხვები წავლენ... ბაკურ, მოდი, ხელი ჩამოართვი ერთმანეთს.

ბაკურმა რამდენიმე ნაბიჯი გადმოდგა და ბუბას ხელი გაუწოდა. ბუბამ ისევ უკან დაიხია.

— არ მინდა მოგატყუო, შალვა მასწავლებელო, — მიმართა მან ბანაკის უფროსს, — თქვენს თვალწინ ხელს ჩამოვართმევ, მაგრამ მე უკან არ გავცემ მხას.

— კი მაგრამ, რა დაგაზავა ასეთი?
— მერე შევრიგდებით, თავისთავად, ასე არ მინდა.
ბანაკის უფროსი ერთ ხანს რაღაცაზე ფიქრობდა, თითქოს სწონდა, ღირდა თუ არა დაძალება და თავისი სიტყვის გატანა, ბოლოს თქვა:

— კეთილი, თქვენ თვითონ შერიგდით, ოღონდ აუცილებლად შერიგდით!

მთელ ამ სცენას პოინერები გატყრნილი ვუსმენდით. მე ვღელავდი, გული ბაგა-ბუგით მიცემდა, თან მეშინოდა, ბუბამ თავისებურად არ ატოვოს და საქმე არ გააფუჭოს-მეთქი. საბედნიეროდ, ყველაფერი კარგად დამთავრდა.

იქნებ გამოიჩინოს თავი ბუბამ, ვფიქრობდი მე, იქნებ ალადგინოს თავისი გატეხილი სახელი?

მეორე დღეზე, ადრე დილით, საქმიანობას შევუდევით. მე ბუბას რაზმში ჩავწერე, პატარა მიტოც ჩვენთან მოვიდა, ეთერიც ჩვენ შემოგვიერთდა.

— იცოდეთ, არავის არ შეგიბრალებთ, — გვიხორა ჩვენს პირველ „თათბირზე“ ბუბამ, — მე აუცილებლად უნდა წავიდე ბორჯომის ხეობაში, აუცილებლად უნდა გავიმარჯვო. და რომ დამალა-ლატოთ, ხომ იცით ჩემი აზრები? — შევინიშნე მუშტის მოღერება უნდა ბუბას, მაგრამ მხოლოდ თითის დაქნევით დაკმაყოფილდარი.

— ბაკურს სამი გოგო ჰყავს რაზმში, ჩვენ კი — მხოლოდ ორი, რა თქმა უნდა, ვჯავობთ, — თქვა მიტომ და თავის სამკერდე ნიშნებს სახელო აუხვ-ჩამოუსვა, გააპრიალა.

— ვაჩნია, — ეშმაკურად გადახედა ბუბამ მიტოს, — ზოგი გოგო ბიჭვით ღონიერია, ზოგი ბიჭი კი — გოგოსავით დოყლაპია.

მიტომ ვერ გაუგო ქარაგმა, იგი ისევ თავისი ნიშნების წმენდით იყო გაართული.

— ჯერ ჩვენ ჩვენი ეზოები მოვიაროთ, რასაც ვიპოვოთ, წამოვიღოთ და პირველ საათზე საწყობთან შევიკრიბოთ, — დააწყო გეგმა ბუბამ, — თუ მძიმე ნივთებს დაიგულებთ, მერე მთელი რაზმი მივივალ და ერთად წამოვიდებით. აბა, წავიდეთ! არ დაგავიწყდეთ! — პირველ საათზე, საწყობთან. იმდენი წამოიღეთ, ოფლად იწურებოდე!

დავიშალეთ. მე სახლისაკენ გავეშურე. მივდიოდი და ვფიქრობდი ბუბაზე. ნეტაც რამ დააინტერესა იგი? ჯერ ხომ ცოც უარზე იყო, არც ჯარის შეგროვებაში მონაწილეობის მიღება უნდოდა, არც რაზმის ხელმძღვანელობა. მერე რაღამ შემოაშურა გული? ბაკურის დაჯაბვნა, რომელთანაც სპორტულ ასპარეზობაში ვერაფერს ვახდა, ჩემის აზრით, მისთვის ამჯერად მთავარ საზრუნავსა და საფიქრელს აღარ წარმოადგენდა. მაგრამ ის კი მახსოვს, როგორ გაუბრწყინდა თვალები, როდესაც ბანაკის უფროსმა ტურისტული ლაშქრობა ახსენა.

ბუბას ღიმილი იშვიათად მინახავს, მაგრამ, როცა მის სახეს წარმოვიდგენდი, მუდამ გაღიმებული მიყურებდა და თანაც თვალს არ მამოკრებდა და მეუბნებოდა: „მზია, შენ ძალიან კარგი გოგო ხარ, ცოტა ლამაზიც ხარ...“, მაგრამ მაშინვე გავიფიქრებდი, რომ უნებში ბუბა, უსიტყვო და დამცინავი ბუბა, არასოდეს მეტყოდა ამ სიტყვებს, და რატომღაც გული მწყდებოდა... თუ არ მეტყვის, ნუ მეტყვის, არც მინდა, რომ მითხრას. რა მისი საქმეა კარგი ვარ თუ ლამაზი?

შინ მისვლისას, ბებია ნატოს გასაღები გამოვართვი და ჩვენს სარდაფში ჩავედი. დიდი ხნის ძებნის შემდეგ აღმოვაჩინე ჩემი ბავშვობის დროინდელი სამთვალა ველოსიპედი, მონჯღრეთული და მოჟანგული. ვნახე ნახშირის უთო, ძირგავარდნილი ორი ქვაბი. ბოლოს დახეულსა და დამტვრეულ ქოლგას ტარი მოვაძრე, ესეც ჩემს ნადავლს დავუმატე. უველაფერს ერთად სარდაფის შესასვლელთან მოვუყარე თავი და შინ ავედი.

— სარდაფში რა გინდოდა?—მკითხა ბებომ.

მე უველაფერი ავუხსენი.
— დერეფანში რომ დამტვრეული თუჯის ღუმელი გვიდგა, არ გამოვადგებათ?—მოულოდნელად შემომთავაზა ბებომ.

— შეიძლება?—წამოვიძახე გახარებული, ჭამას თავი მივანებე და დერეფანში გავვარდი, რომ დაახლოებით მაინც შევარაუდა ჩვენი ღუმელის წონა. ადგილიდანაც ვერ დავძარი. ო, როგორ გაუხარდებოდა ბუბას!

კიბეები ჩავიბრინე, ველოსიპედს გარდა, უველაფერი ტომსიკაში ჩავყარე და საწყობისაკენ გავვსურე. გზაში ხშირ-ხშირად ვისვენებდი, მაგრამ მაინც ოფლში გაწუწული მივადექი საწყობს, ასე რომ, ბუბას ეს პირობები შევასრულე უნებურად. ჯერ არავინ იყო მოსული. არ ვიცოდი როგორ ჩამებარებინა რკინეული და ამიტომ ლოდინი დავიწყე. პირველად ეთერი გამოჩნდა. კონსერვის ცარიელი კოლოფების გარდა, ვერაფერს წაწყდომოდა, მაგრამ მაინც გახარებული იყო თავისი წვლილით. ეთერს შიტო მოჰყვა. წყალსადენის დაქანულ მილს მოარახრახნებდა ქვაფენილზე. ეტყობოდა, ძალზე დაღლილიყო და უჭირდა. ჩვენ შევეგებეთ და ტვირთი შევუშსუბუქეთ. დაბოლოს ბუბაც გამოჩნდა, ზურგზე რაღაც აეკიდა, წელში ორად მოხრილიყო და მძიმე ნაბიჯებით გვიახლოვდებოდა. ჩვენ ვერ შეგვამჩნია, რადგან მაღლა ახედვის საშუალება არ ჰქონდა. სამივემ მივირბინეთ. ხალხებგვადაცლილი რკინის საწოლის თავი მოეკიდა ბუბას ზურგზე.

— საწოლის დანარჩენი ნაწილები შინ არის,—თქვა მან ქშენით და შეჩერდა,—ოთხი ფუთი მაინც გამოვა!

ჩვენ შეშველება გვინდოდა, მაგრამ არ ქნა, მე თვითონ მივიტანე. ბუბას ტვირთი ჩამოვადებინეთ, ცოტა ხნით შეისვენა და საწყობის კარბ შეაღო:

— აბა, შემოიტანეთ!—დაგვიძახა მან და კარი ღია დატოვა.


საწყობის გამგე, ჭალარა, წითური კაცი, ხელეგაშლილი შემოგვიგება.

— აი, ყოჩაღ, აი, ყოჩაღ, ამ დილითაც კარგად გიმუშავნიათ, წუხანდელს არ ჩამოუვარდება,—მერე უტყრა და დადუმდა, სათითაოდ შეთავალიერა ჩვენი განცვიფრებული სახეები და წამოიძახა:—თქვენ ახლები ყოფილხართ, კაცო, მე ბაკურის რაზემლები მეგონეთ!

ბუბას ფერი ეცვალა.

— ბაკური იყო უკვე?—ხნის კანკალით ჰკითხა მან.

— იყო რომელია, წუხანდელი მონაპოვართ მთელი საწყობი



— აბა, შემოიტანეთ!—დაგვიძახა საწყობის გამგემ და კარი ღია დატოვა.

ამივსო,—თქვა გამგემ და კუთხეში მიყრილ რკინეულობისაკენ მი-
აბრუნა თავი.

— აწონეთ, ძია...
— ძია ანდრო!—გააცნო თავი გამგემ.
— აწონეთ, ძია ანდრო!—ცივად გაიმეორა ბუბამ.

ანდრომ ფიცრის სასწორზე შეყარა ჩვენი ნადავლი, გაჭკრა-
გამოჭრა გირს თითი.

— ოთხმოცი კილო და სამასი გრამია!—თქვა მან, რაღაც დავ-
თარი გადაშალა, კალამი მოიმარჯვა და ბუბას მიუბრუნდა,—
თქვენ იქნებით ნომერი 18, დაიმასსოვრე! ამ ნომრის გასწვრივ ჩაი-
წერება თქვენი შეგროვილი ჯართი.

— ბაკურის რაზემ რომელი ნომერია?
— ჩვიდმეტი!
— დანარჩენები ვილა?
— სხვებია. გგონიათ, მარტო თქვენ აგროვებთ ამ რაიონში
რკინეულს?

— მერედა, ჩვიდმეტ ნომერს რამდენი კილო აქვს მოგროვებუ-
ლი?—ვკითხე მე.
— ას სამი!

— სცდებით, ორას სამი!—მოისმა უცერად სიცილნარევი ხმა.
უველამ მივიხედეთ. კარბში ბაკური გაჩხერილიყო, მთლად

ხველი ჰქონდა ტანისამოსი, ძლივს სუნთქავდა და ცდროლობდა მა-
წუთით გათხუბნული რკინის კასრი შემოფარებინა საწყობში, მაგ-
რამ ვერ ახერხებდა. საწყობის გამგე უმაღლეს მასთან გაჩნდა, ვეება
ხელეები შემოხვია კასრს, გადმოსწია და საწყობის იატაკზე გად-
მოაყარავა.

— ყოჩაღ, ბიჭო, აი, ეს მესმის! კონსერვის კოლოფს ჰგავს სწო-
რედ!—ჩაიხიბებოთა გამგემ.

მაშინვე ბუბასკენ გავიხედე, შევატყვე, ძლივს შეიკავა თავი,
რამე უკმეზობა რომ არ მიეხალა გამგისათვის, გაბრუნდა და საწ-
ყობიდან გავიდა. ჩვენც უკან გავვევით, ქუჩაში ბაკურის რაზმელი
გოგონები ჩალიჩობდნენ, მოტანილ რკინეულს აგროვებდნენ საწ-
ყობის კართან.

- გამარჯობა თქვენნი!
- ო, მზისს გაუმარჯოს,—ამომხედეს გოგონებმა.—როგორ არის
თქვენი მუშაობის საქმე?
- ძალიან კარგად!
- გისურვებთ წარმატებას!
- თქვენც, აგრეთვე!

ახე მოკლე იყო ეს რაინდული გამოლაპარაკება ჩემსა და ჩემს
მეტოქეებს შორის. უხმოლ განვარძეთ გზა. პატარა სვერთან ბუ-
ბა შეჩერდა.

— ეთერ, — ბუბა ამოიღო ბუბამ, — შეამჩნიე, რომ შენი მოტანი-
ლი კონსერვის კოლოფები საწყობის გამგეს არც აუწონია?

— ასწონს, როგორ არ ასწონს! — აღელდა ეთერი, იგი მიხვდა
ბუბას საყვედურს.

— მო, სასწორზე კი დალო, არ შეგარცხვინა, მაგრამ მერე



გვერდზე გადაყარა, როგორც უსარგებ-
ლო. იცოდეთ, დღე-
ის შემდეგ კოლოფე-
ბი და ქინძისთავები
აღარ დავინახო თქ-
ვენს ხელში. თუ ვმუ-
შაობთ, ვიმუშაოთ.
სათამაშოდ მე არ
მცალია, თქვენ რა
გენაღვლებათ, შეიძ-
ლება ისედაც წაგყ-
ვანონ ბორჯომის
ხეობაში. თქვენ ხომ
წე-სი-ე-რე-ბი და მო-
წი-ნა-ვე-ბი ბრძან-
დებით მე კი, აუცი-
ლებლად უნდა გა-
ვიმარჯვო, რომ ვარ-
ძიის გამოქვაბუ-
ლი ვნახო! — ბუბამ
ღრმად ამოისუნთქა,
სადღაც სივრცეში
მიაპყრო ოცნებიანი
თვალეები და განაგ-
რძო, — ვერც კი წარ-
მოგიდგენიათ, რა
არის ვარძიის გამო-
ქვაბული. ჩვენ იქ
ვნახავთ ქვის ქა-
ლაქს, კლდეში გა-

— სცდებით! ორას
სამოცი—მოისმა უც-
ნად სიცილნარევი
ხმა.

მოჭრილ დარბაზებს, ქვის სკამებს, გვირაბებს, დავიკარგებოთ ლა-
ბირითებში და ძლივს გამოვალთ. მე ისეთ ოთახებში შევად, სა-
დაც აქამდე ყველას ეშინოდა შესვლა. ჰოდა, იქ ვნახე, ძველ სა-
ომარ იარაღებს. ვინ იცის, იქნებ იქ გაქვავებული შემოჭრებიც
დგანან ხელში შემართული ხმლებით? — ბუბა გაშეშებული იდგა,
თითქოს მის წინ მართლაც იდგნენ გაქვავებული მეომრები. მე
ურუანტელმა დამიარა ტანში. — ყველაზე საინტერესოა კი იცით, რა
არის? — მოისმა ბუბას ჩურჩული, — იქ შეიძლება თამარ მეფის საფ-
ლავი იყოს. შეიძლება კი არა, ნამდვილად არის, დამესიზმრა,
გესმით?

ბუბა გაჩუმდა. ჩვენც სუნთქვაშეკრულნი ვიხხედით, რომ ეს
სიჩუმე არ დაგვერღვია. და მე უეცრად გამიელვა აზრმა, უეცრად
მივხვდი, თუ რატომ იყო ბუბა ისეთი უხასიათო, „ცუდი“ ბიჭი.
ბუბას არ უნდა ეცხოვრა დიდ ქალაქის ქუჩებსა და მრავალ-
სართულიან სახლებს შორის. იგი უნდა დასახლებულიყო სადმე
მთებში, მიუვალ კლდეებში, ჯიხვებთან და გამოქვაბულებთან, იგი
უნდა ყოფილიყო მონადირე, მწყემსი ან ალპინისტი, გეოლოგი ან
არქეოლოგი, ტყის მცველი ან მეწვლეაური. ბუბა არ იყო ქალაქი-
სათვის დაბადებული. აი, რა აზრმა გამიელვა, როდესაც ბუბა ასე
მოჯადოებულად იყო ლაპარაკობდა ვარძიის გამოქვაბულზე.

— მიტომ უნდა გავიმარჯვოთ, ხომ გესმით? — განაგრძო ბუ-
ბამ, — ვინაც მუშაობა არ უნდა, ახლავე თქვას!

— ნატო ბებო ძველ თუჯის ღუმელს მაძლევს, — ვთქვი მე, —
იცით, რა მძიმეა?

— ყოჩაღ! — შემომხედა ბუბამ მაღლიერი თვალებით, — დღესვე
წავალთ და მოვიტანო. შენ, მზია, ძალიან კარგი გოგო ხარ...
ამ სიტყვების გაკონებაზე გულმა ბაგა-ბუგი დამიწყო, შემრ-
ცხვა და თავი ჩავლუნე, ნუთუ ბუბამ მართლა ის თქვა, რაც მო-
ვისმინე?

— ჩვენი ეზოს დობეში ძველი რკინის ქიშკარია ჩატანებული, —
თქვა ეთერმა, — თუ მის მაგივრად ქვებს დავაწყობთ..

— დავაწყობთ, დავაწყობთ! — გაეხარა ბუბას, — ეთერ, შენც
კარგი გოგო ყოფილხარ!

გულმა რეჩხი მიყო. არა, რა თქმა უნდა, მომეჩვენა. ბუბას
ჩემთვის არახოდეს უთქვამს „კარგი გოგო ხარო“, ყოველთვის
ეთერს... ეთერს ეუბნება ამ სიტყვებს... მე, მე... არც მინდა, რომ
მითხრას...

— დღესვე მოვიტანოთ ქიშკარიც და ღუმელიც, ხვალ დილით
კი... — ბუბა განგებ გაჩუმდა და თავმოწონე ყოჩივით კიხერმოღე-
რებულმა შეგვათვალღერა, თითქოს ენანებოდა სახიხარულო ამბის
ახე ერთბაშად თქმა.

— რა „ხვალ დილით“? — თავი ვედარ შეიკავა მიტომ,
— ხვალ დილით, გათენებისთანავე, მეტეხის ხიდთან შევიკრი-
ბოთ; ამას წინათ, მდინარის პირას, ხიდქვეშ, მე წავაწყდი ხილაში
ნახევრადჩაფლულ ძველი ხიდის მოაჯირს!

— მთლიან მოაჯირს?!

— არა, მოაჯირის ნაწილია, მაგრამ იმოდენაა, იმოდენა,
რომ... — ბუბამ ნატურით გააქნია თავი, თითქოს ამბობდა, ის რომ
საწყობში მიგვაცანინა, ჩვენ ბედს ძალიან არ დაჰყვეს.

იმ საღამოს ნატო ბებოს ღუმელიც მივათრიეთ საწყობში, ეთე-
რის დობეში ჩატანებული ძველი ქიშკარიც, დალილი-დაქანტული-
ბი დავბრუნდით შინ, რომ კარგად გამოგვეძინა და ალიონზე მე-
ტეხის ხიდთან გავჩენილიყავით.

მართლაც, ჩვენი რაზმის წევრები ერთდროულად შევიკრიბეთ
ქალაქის იმ რაიონში, სადაც გოგირდის უძველესი აბანოებია გა-
შენებული, მტკვრის გაღმა ნაპირს თავს დასდგომია შევეული კლდე,
რომელსაც სიმაღლეს ჰმატებს მეთორმეტე საუკუნის ტაძარი. მის
გვერდით გასულ საუკუნეში აშენებული იყო საპატიმრო. მრავალი,
თავისუფლებისათვის მიბრძოლი რევოლუციონერი დაუბერებია იმ
საპატიმროს კედლებს. ახლა საპატიმრო დანგრეულია, ადგილი
მოასუფთავებს; აქ უნდა დაიდგას თბილისის დამარხებულის ვანტანგ
გორგასალის ძეგლი. სიძველეთა ეს მთელი ანსამბლი თითქოს გა-
ვირეგებული გადმოწყურებს ახალ ქალაქს, ახალ ქუჩებსა და ახალ
აღამიანებს. და ალბათ ეძებს ძველ „ვირის ხიდს“, რომლის მოაჯი-
რი მდინარის ხილაში აღმოაჩინა ბუბამ და, რომელიც დღეს ჩვენ
ახალ გზას უნდა გაფუყენოთ.

სანაპირო ქუჩას გავყევით და მალე მივაღიქით ორად გაყოფილსა და მდინარეზე ჩამავალ კიბეებს.

— აი, ხედავთ?!—დაიძახა ბუბამ და კიბის სახელურს გადაეკიდა. თვალი გავაყოფეთ მის ხელს და დავინახეთ სილაში ნახევრადნაფლული ძველი ხიდის ნაწილი. „თუ ერთი იმდენი მიწაშია, ჩვენს ბედს ძალი არ დაჰყევს“, ვავიფიქრე გულში.

მოულოდნელად გოგოების წვილ-კვილმა და შეშფოთებულმა წამოძახილებმა მიიპყრო ჩემი ყურადღება. გავისხედე და რას ვხედავ, ბაკურის რაზემელი გოგოები კისრისტეხით ჩარბოდნენ მობირდაპირე კიბეზე და თან გაჰყვიროდნენ:

— ჩქარა, ჩქარა, ბაკურ, თორემ დაგვასწორებს ბუბა, ჩქარა, ბაკურ!

მე თვალისდახამხამებაში გავჩნდი მდინარის პირას. მიწიდან ნახევრადთავამოყოფილ ძველი ხიდის მოაჯირისაკენ თავქუდმოგლეჯილნი მირბოდნენ ბუბა და ბაკური. თითქმის ერთდროულად მიიბრინეს, ისე მოწყვეტით შედგნენ, ტანი ძლივს შეიკავეს, რომ ერთმანეთს არ შეხლოდნენ და ასევე ერთდროულად შეხტნენ ძველი ხიდის მოაჯირზე. ორი ბიჭის სიმძიმისაგან მოაჯირი აქანავდა.

— ეს ჩვენი ნაპოვნია!—გაცეცხლებული იყო ბაკური,—გიგა მეთევზემ მოგვასწავლა!

— ჰმ, გიგა მეთევზემ,—დამცინავად გაიმეორა ბუბამ,—თქვენ ამ წუთში შეამჩნიეთ მხოლოდ.

— ჰმ, ამ წუთში!—ახლა ბაკურმა გასცინა ბუბას.

— დიას, დიას, ახლა შეამჩნიეთ. ჩვენ დავინახეთ და მიხვდით, რისთვისაც ჩავდიოდით მდინარეში. მე კი რამდენი ხანია ეს დაგულბებული მაქვს... ჰგავს შენს ხელობას, ასე მოტყუებით გაგაქვს ყველგან თავი,—უხაფუძვლოდ დაჭინჭრა ბუბამ.

— ენა შეიმოკლე; ბუბა, შენ სულ ჩხუბს ეძებ და ერთხელაც იქნება დაგეხმარები პოვნაში.

— მე უშენოდაც ვიპოვი!

— რას? რკინეულს?—გულუბრყვილოდ ჰკითხა ბაკურმა.

— რკინეულსაც და ჩხუბსაც.

— ბუბა, იცოდე, გზიდან ჩამომშორდა.

— გზა ფართეა, გაიარე!

— ეს მოაჯირი ჩვენს რაზეს ეკუთვნის.

— თქვენს რაზეს, აი, ეს ეკუთვნის!—წამოიძახა ბუბამ და ჰაერში გაიფლავა მისმა მუშტმა, მაგრამ საბედნიეროდ ასცდა ბაკურს.

სახელმწიფომა ბაკურმა მოაჯირიდან ისკუპა.

— ჩამოდი ძირს და გაჩვენებ სერის!

მაგრამ მოაჯირი აქანავდა და ბუბამ ისედაც ვერ შეიკავა თავი. ძველმა მეტოქებმა მუშტები მოიღერეს და ქშენით დაიძრნენ ერთმანეთისკენ, ორივეს სახე ასწითლებოდა, მძიმედ სუნთქავდნენ.

მე, ეთერი და მითო მაშინვე ბუბასთან გავჩნდით და მკლავებში ჩავაფრინდით. მაგრამ მან ერთი შეიბერტყა ტანი და ყველანი მოგვიშორა. იქით ბაკური გააკავეს მისმა რაზემელმა გოგონებმა, მაგრამ მათაც ჩვენი ბედი ეწიათ.

— დამანებეთ თავი,—უყვირა მათ ბაკურმა,—ბოლოსდაბოლოს, ოდესმე ხომ უნდა გავსრისო ეს კლდე!

— იგივე კოლოს ნაკბენი!—დაიღრიალა ბუბამ და ბაკურისკენ გაქანდა.

— ეი, ლაწირაკებო!—მოისმა უეცრად ვიღაცის ჩაბოხებული, მბრძანებლური ხმა. ბუბა ადგილზევე გადგინა, ბაკურიც შეკრა.

კიბეებზე დარდიმანდული ნაბიჯებით ჩამოდიოდა მაღალი, ბეჭებგანირი შავტუხა ბიჭი, პაპიროსს აბოლებდა და კვამლს მალდა ცისკენ უშვებდა. უკან არანაკლებ ჩაფხვნილი სამი ყმაწვილი მოჰყვებოდა. ოთხივეს სახელოსნო სასწავლებლის ფორმა ეცვა.

როცა შავტუხამ მუშტმოღერებული და სასაცილოდ გაშეშებული ბუბა და ბაკური დაინახა, სიცილი წასკდა, შუა თითით წიპურტი გაჰკრა პაპიროსს, ანთებულმა პაპიროსმა კვამლის ხაზი გაავლო ჰაერში და ბუბასა და ბაკურის ფეხებთან დაეკარდა.

— ერთი უყურეთ, ნამდვილ მამლაყინწებს არა გვანან?—მაიუბრუნდა შავტუხა თავის ამხანაგებს, მერე მხერვა ისევე მოჩხუბრებზე გადაიტანა,—აბა, მიდით, დაჰკარით, გამარჯვებულს ღიმონათს დავალევივინებ!



სიძველეთა მთელი ანსამბლი თითქოს გაკვირვებული გადმოჰყურებს ახალ ქალაქს.

მაგრამ ბუბა და ბაკურს არ იძვროდნენ, ახლა ორივენი შავტუხასაკენ შემობრუნებულიყვნენ, მუშტები ისევე მოკუმშული ჰქონდათ, თითქოს ძველ მტრებს ახალი საერთო მტერი შეეცნოთ და შეკავშირებულიყვნენ.

— რა გაჩხუბებთ, გასაყოფი გაქვთ რამე?—ხმა ამოიღეთ! დუმით.

— მუნჯები არიან?—ღიმოლით მოუბრუნდა შავტუხა მითოს.

— არა, იციან ლაპარაკი,—ხერიოზულად უბასუხა მითომ.

— რომელ ენაზე?—კვლავ იხუმრა შავტუხამ.

— ქართულზე!

— მაგრამ, ეტუობა, საერთო ენა მაინც ვერ გამოუნახავთ, რისთვის ჩხუბობენ?

— აი, იმ მოაჯირისთვის!

შავტუხას სახე ეცვალა, თავის მეგობრებს გადახედა მრავალმნიშვნელოვნად, მერე ბუბას ჰკითხა ჯიქურ:

— რად გინდათ ეს მოაჯირი?!

— ჯართს ვაგროვებთ!—ერთად წამოიძახეს ბუბამ და ბაკურმა.

შავტუხამ კვლავ მრავლისმეტყველოდ გადახედა თანაფორმელებს, მერე ისევე მოჩხუბრებს მოუბრუნდა:

— მერე იცით, მამლაყინწებო, რომ სხვისი ქონების გაყვანაზე ჩხუბობთ?

— ეს მოაჯირი არავისი ყოფილა, დღეიდან კი ჩვენი!—ვთქვი მე.

— უკაცრავად, ქალიშვილო,—დამცინავი ცნობისმოყვარეობით შემათვალეირა შავტუხამ,—უკაცრავად, ვერ შეგამჩნიეთ, თქვენ რომელი მამლაყინწის არმიაში მსახურობთ?

— თავი დაანებეთ გოგოს!—დაუღრინა ბუბამ.

— უნდა მოგახსენოთ, ბატონებო და ქალბატონებო,—განაგრძო არტიტული კილოთი შავტუხამ,—რომ ჩვენი სახელოსნო სასწავლებლის მოსწავლეებსაც მოუკრავთ ყური, თუ რა არის ჯართის შეგროვება, მათაც იცნან კარგი ნადავლის აღმოჩენა და საწყობში მიტანა,—შავტუხა ბოლოს სცემდა და თავის ფართო ბეჭებს დემონსტრატულად მიმოარხევდა. მან პაპიროსი ამოიღო, დიდებით ფრჩხილზე დაეკაუნა და გააბოლა.—მას გარდა,—განაგრძო მან, როდესაც ბოლო ორთქლმავალივით ამოუშვა პირიდან,—იძულებული ვარ გაგემარტოთ, ბატონებო, რომ ჩვენმა მოსწავლეებმა იციან, აგრეთვე, რა არის კრევი, ვინ არიან არამკითხე თაწირაკები და როგორ უნდა აუწიონ მათ ყური.

ეს უკვე მეტისმეტე იყო. მე ვიგრძენი, რომ ჩვენი ბიჭები ამას ვერ მოითმენდნენ. პირველი ბუბა აფეთქდა:



შავტუხა ბოლოს სცემდა და ბეჭებს ლემონსტრატორულად მიმობრუნვდა.

ახსენებდნენ და ათ წუთში ყველაფერი მზად იქნა. შავტუხა დაძაბული გვადევნებდა თვალს. ბუბამ და მარტომ წინააღმდეგობა გაუწიეს ხელი მოაჯირს, გოგონებს უკანა, მიწიდან ახლად-მოღებულ სველი მხარე გვერგო.

— მზად ხართ?—დაიძაბა ბუბამ.—აბა, ერთი, ორი და სამი! დავიძაბეთ, დავიძაგრეთ, მაგრამ, ჩვენდა საკვირველად, მოაჯირს ძვრაც ვერ ვუყავით.

— ხა, ხა, ხა,—ჩაგვეხმა ყურში შავტუხას ხარხარი, იგი კიბეებზე გადაწვა და მუცელზე ხელები მიიჭირა,—უყურეთ ერთი, უყურეთ, როგორ მიარბენინებენ! ხა, ხა... აბა, ჩქარა, ჩქარა წაიღეთ, რაღას უყურებთ?!

ჩვენ კიდევ ერთხელ დავიძაბეთ, წელი მოვიწვევით, სირცხვილი გადავყლაპეთ, მაგრამ, უკაცრავად პასუხია, არაფერი გამოვიდა. შავტუხას ახლა მისი ამხანაგებიც აშკვნენ, იციონდნენ და კვდებოდნენ სიცილით. ბაკურსაც ღიმი მოერია, მაგრამ ხმამაღლა ვერ გაბედა სიცილი.

— არ უფილხართ ღირსნი როგორც ჩანს, ეს მოაჯირი პირველად აი, იმ კარგმა ბიჭმა აღმოაჩინა,—თქვა სერიოზულად შავტუხამ და ბაკურს ხელი დაუქნია,—მოდით, წაიღეთ, ვიცოდით, რომ შენ იყავი ამის ნამდვილი მფლობელი,—და მეტი დამაჯერებლობისათვის შავტუხა წამოდგა, შარვალი ჩაიფურთხა. ამხანაგებმაც მიბაძეს და ყველა ერთად კიბეებს აშკვა, თან გზადაგზა რაღაც თავის საქმეებზე დაიწყეს ბაასი. ერთი სიტყვით, შავტუხამ და მისმა ამხანაგებმა მშვენივრად გაითამაშეს სცენა უფროსებისა, რომლებმაც პატარებთან ვაიხუმრეს, სიცილით გული იფურცეს, ახლა მოსწონდათ და სახლისკენ მიდიან. ამაზე წამოვედნენ ბაკური და მისი რაზმელი გოგონები. მათ ელვის სისწრაფით „ლელა“ შემოარტყეს მიწაზე თითქოს მიმაგნიტებულ ხიდის მოაჯირს, ოთხივე კუთხეში ჩაავლეს ხელი და მოისმა ბაკურის ჩუმი ბრძანება:

— აბა, ერთად! ვითვლი: ერთი, ორი, და სამი.. ვაიშე!—უცრად ამ მოულოდნელი ამონაკენსით დამთავრდა ბაკურის ბრძანება. მან ხელი უშვა დაწვედილ მოაჯირს და ადგილზევე გაზეშდა, სახეზე ტკივილი გამოეხატა, წელში ვეღარ იმართებოდა. ისე იყო მოკაკულა, თითქოს მიწაზე რაღაც დაკარგულ ნივთს ეძებო.

— რა მოხდა, ბაკურ?!

— წელი, წელი მეტყინა!
ამის თქმა და შავტუხას სატანური ხარხარი ერთი იყო. სახელოსნო სასწავლებლის მოსწავლეებმა ერთი სიცილ-სარხარით და მუცლებზე ხელის ჭერით უკანვე ჩამოირბინეს კიბეები, თვალები-და ცრემლები სცივოვდით და მე შემეშინდა, სიცილს ისევე არ მოექცნა ისინი, როგორც მოაჯირის სიმძიმემ მოაქცნა ბაკური.

— ეს რას ზგავს... ხა, ხა, ხა, ერთმანეთს თავ-პირს ამტვრევდით და ახლა აღარც ერთს არ მიგაქვთ? ეს... ეს რა ოინ...ოინბაზობაა, თუ არ გინდოდათ ეს მოა... მოაჯირი, ვერა თქვით?

ახლა დაბეჯითებით დავრწმუნდი, რომ შავტუხამ კარგი მსახიობივით გაითამაშა გულგრილობა და წასვლა.

— აბა, ახლა ხუმრობა გვეყოფა!—ღუცრად შესწყვიტა სიცილი შავტუხამ და ამხანაგებს ანიშნა, მოაჯირი წავიღოთო,—ვიჩქაროთ, თორემ საწყობამდე არც ისე ახლოა.

მათ სახელები დაიკაიპეეს, დაკუნთული მკლავები გამოაჩინეს, ოთხივე მხარეს ჩაუდგნენ მოაჯირს, დაიხარნენ, დაავლეს ხელები, მერე წამით ერთმანეთს შეხედეს, თუ ყველანი მზად ვართო და ნელ-ნელა, შემოხევივლად, თითქოს უზარმაზარ ხეს თხრიან მიწიდან, მთხლებამდე ასწიეს ძველი ხიდის მოაჯირი, ჩვენ ყველანი, ორივე რაზმის წარმომადგენლები ნაცემი ძაღლებივით შევეყურებდით ამ სურათს, ხელიდან გვეცლებოდა ჩვენი მოაჯირი, ჩვენი იმიედი.

— აბა, წავიდეთ!—თქვა შავტუხამ, მაგრამ მე მისი კილო მე-უცნაურა, თითქოს კბილებში გამოეჩინა ამ ორმა სიტყვამ, თითქოს მის საოქმელად შავტუხას უღიღის ენერგიის დახარჯვა მოუხდაო. ერთი-ორი ნაბიჯი გადადგა სახელოსნო სასწავლებლის „დამსჯელ-მა“ რაზმმა, მაგრამ მოაჯირმა, თითქოს უცრად გასულეიერდაო, თავის ნებაზე მიარბ-მოარბია ყმაწვილები, მათდა უნებურად ირიბად გაიქცნენ ოთხივენი, კი არ გაიქცნენ, წაბორძიკდნენ. მერე ერთ

— ნუ მიედ-მოედები, თორემ...
შავტუხას განცვიფრებისაგან თვლები გადმოეყიდა, მაღლიდან ჩააშტერდა თითქმის ორჯერ დაბალ ბუბას.

— თორემ რა?—თქვა მან გამომწვევად.

— თორემ...—ბუბა შეყვინდა,—თორემ ავიღებთ ამ მოაჯირს და წაკიდებთ, ჩემი აღმოჩენილია!

— გესმით, რა დიდ ბუბებებს უშვებს ეს ძაფის კოჭი?—მიმართა შავტუხამ თავის ამხანაგებს,—კარგი, კეთილი, აიღეთ და წაიღეთ, ოღონდ ჩქარა!—შავტუხამ ეშმაკურად მოპრუწა ტუჩები, ამხანაგებს თვალი ჩაუკრა და კიბის საფეხურზე ჩამოჯდა, მერე უცბად გაახსენდა,—კი მაგრამ, თქვენგანს რომელს ეკუთვნის, თქვენ შომ დაობდით?

— ჩემს რაზმს ეკუთვნის!—უპასუხა ბუბამ.

— მე თანახმა ვარ, მჯერა, რომ შენს რაზმს ეკუთვნის. დავა გადაწყვეტილია. აბა, წაიღეთ ახლა ჩქარა!—და შავტუხამ კვლავ თვალი ჩაუკრა ამხანაგებს.

ბუბა მოაჯირს დეჰგერა და დასწია, რომ მიწიდან ამოეღო. ბაკური ხმას არ იღებდა, არ ვიცი რატომ, იქნებ იმიტომ, რომ შავტუხასთან კამათში ბუბამ გამოიჩინა თაონობა. იგი თავის გოგონებთან ერთად განზე გამდგარიყო და ნაღვლიანი თვალებით გაშურებდა ბუბას კიდილს ხიდის მოაჯირთან. რაზმის წევრებიც წამოვეწველეთ ბუბას, ოთხივენი დავებოროწილეთ სილაში ნახევრად-ჩაფლულ მოაჯირს, მაგრამ ძვრაც ვერ ვუყავით.

— მოიცაო!—თქვა ბუბამ, წელში ვაიმართა და ხელის ზურგიით შუბლიდან ოფლი მოიწმინდა.—ნაფოტები და ჯოხები მოქებნეთ, ჯერ სილა გადავაცალოთ მოაჯირს.



მათგან ხელიდან დაუხსნდა მოაჯირის ყური, მერე მეორეს, მესამეს, და ბოლოს, შავტუხამაც სასწრაფოდ უშვა ხელი და გვერდზე გახტა, რომ ფეხი არ მოსტანებოდა მიწაზე. შლარიანითა და ერთი რიხინ-ულრილით დავარდნილ მოაჯირქვეშ.

აბა, სიცილი ახლა უნდა გენახა! ბუბას რაღაც წკმუტუნ-სლოკინის მსგავსი აღმოხდა, ბაკური აკისკისდ-აროხროხდა, მიტო კინაღამ დაიხრჩო მომსკლარი სიცილისაგან და ყელზე ხელი იტაცა, ჩვენ, გოგოები კი, ადგილზე ავტუხანვდით და ტაში შემოვკარით ჩვენი „ჯვალათების“ მარცხით უზომოდ კმაყოფილებმა. ნამდვილად რომ სასაცილონი იყვნენ ეს ნაცრისფერფორშიანი „გმირები“. მით უფრო, რომ აქამდე ჩვენ დავციხოდნენ, მით უფრო, რომ ჩვენთვის მოულოდნელი იყო მათი ასეთი უსუსურობა.

— გეუფათ, ყველამ გავიცინეთ, ახლა საქმეს შევედეთ! — იხტიბარგაუტუხნად თქვა შავტუხამ, თითქოს საკუთარი თავის შერცხვენაც პროგრამით ჰქონდა გათვალისწინებული, — აბა, მოდით აქსათითადე კაპიკა თქვენი ფასი, მაგრამ იქნებ ერთად ცოტა წამოგვეშველოთ.

ცოტა ხნის შემდეგ, თორმეტი ბავშვი, ზოგი დიდი და ზოგი პატარა, ზოგი გოგო და ზოგი უმაწვილი, რკინეულობის საწყობისკენ მივარახრახებდით აწ დამორჩილებულსა და მოთვინიერებულ მოაჯირს. იმაზე არაფერს ვამბობ, რომ შავტუხამ მოაჯირის ნახევარი ჩვენ ორ რაზმს გაგვიყო და საწყობის გამგემაც ასე ჩავვიწერა დავთარში.

მაგრამ ბუბა ამ შემთხვევით მაინც არ იყო კმაყოფილი. მგრიდი იმედებს ამყარებდა ძველი ხიდის მოაჯირზე. ფიქრობდა, რომ მისი მოპოვების შემდეგ ჩვენს რაზმს არხეინად შეეძლო ყოფნა. ეს მართლაც ისე იქნებოდა, მაგრამ მოულოდნელმა შემთხვევამ იმ მოაჯირის წონის მხოლოდ მეოთხედი გვარგუნა. ბაკურის რაზმმაც ბუბას თქმით, ხელის გაუნძრევლად მოიპოვა ამდენივე. და ამჟამად ბაკური ისევ წინ იყო ჩვენზე. აი, ეს აღადრებდა ვარძიის გამოკვებულზე მეტსენებ ბუბას. შესვენებების დროს იგი გახედავდა და ხოლმე სივრცეს, ან მიწას დააკვირდებოდა და ხამაძლია ოცნებობდა, გონების თვალით წარმოიდგენდა მთელ თავის მომავალ ტურისტულ ლაშქრობას, წარმოიდგენდა, თუ როგორ უეყურებდა ქანობილის ობსერვატორიის უზარმაზარ ტელესკოპიდან ციურ სხეულებს და მათ შორის მქროლავ საბჭოთა თანამგზავებს.

დღე დღეს მისდევდა. დილით, პიონერთა ბანაკში გამოცხადების შემდეგ, ჩვენ ქალაქში მივიდოდით ჯარის შესაგროვებლად და გვიან საღამომდე არ ვბრუნდებოდით. გადაწყვიტეთ წარანარა აღარ ჩავგებდნა საწყობის გამგის დავთარში და აღარ შეგვემოწმებინა ხოლმე, თუ რამდენად წინ იყო ჩვენზე ბაკურის რაზმი. „ჯობა და, მუშაობაზე გვეფიქრა, აღმოგვეჩინა ახალი და ახალი რკინის „სახადოები“ და, რაც მოვარია, არ გვეზარმაცნა. ჩვენის აზრით, წარმატება თავისთავად უნდა მოსულიყო, უნდა გავგეშარჯვნა, თუ მართლა დირსნი ვიყავით, თუ არა... ერთი სიტყვით, ვთქვით და ბეჭედი დავსვით, მხოლოდ კვირაში ერთხელ შეგვემოწმებინა საწყობის გამგის დავთარი.

ერთ დღეს, პიონერთა ბანაკის საერთო შეკრებაზე, ბანაკის უფროსმა ახალი ამბავი გვამცნო — თურმე პიონერთა ორგანიზაციის ორმოც წლისთავთან დაკავშირებით ცენტრალურმა საბჭომ მოუწოდა ჩვენი ქვეყნის პიონერებს „ორი წლის განმავლობაში მილიონი ტონა ჯართი შეგროვებინათ“.

— აი, მაგის ერთი მემილიონედი რომ მოიპოვოს ჩვენმა რაზმმა, კარგი ბიჭები ვიქნებით! — ინატრა ბუბამ.

— ორი წლის მანძილზე?

— ორი წელი რა ამბავია?! ამ თვის დამლევამდე!

მაგრამ, სამწუხაროდ, ვამჩნევდით, რომ თანდათან ძნელი ხდებოდა რკინეულის შოვნა. საკუთარ ეზოებში ერთი „ცუდად“ დაგდებული თუ მიჭედებული ლურსმანიც არ დავტოვებ წაუღებელი. ლურსმანი, რომელსაც პირველ ხანებში უკადრისობდა ბუბა, მოვიარეთ სახლის სხვენები და ჩაუანგული და ქალაღვივით დაქმუქებული თუნუქის ფურცლები შევავაროვეთ. ახლო-მახლო ქუჩების მოთლი „ავლადიდება“ უკვე საწყობში ელავა.

ერთი სიტყვით, მივედით იქამდე, რომ ერთ მშვენიერ დღეს ბუბამ აათვალ-ჩაათვალიერა მიტოს ხალათზე მიბნეული, ათახფერად აბრკვეილებული სამკერდე ნიშნები და თქვა:

— შინ გაქვს კიდევ?
— ორი ამდენი! — სიამაყით წარმოთქვა მიტომ.
— მოუარე, არ დაკარგო, შეიძლება დავგვირდენ...
მიტოს ფერფერი ეცვალა. იმ დღის შემდეგ მწერ-აქა-იქა

ნახავს მისი სამკერდე ნიშნების სრული კოლექცია. ბუბა მწარედ იციხოდა ამ შემთხვევისა და, საერთოდ ჩვენი გაჭირვების გამო. გაიარა ერთმა კვირამ და საღამო უამს, როდესაც საწყობის გამგე ჩვენს მიტანულ რაღაც სუთიოდე კილო რკინეულის სწონიდა. ბუბამ დავთარში ჩაიხედა:

— მოდით აქ! — ხმის თრთოლვით მიგვიხმო ბუბამ. ჩვენ მივცვივდით და იმ ადგილზე, დავთარში, სადაც ბაბუას თითო კანკალელებად, წვეკითხეთ ციფრი — 402 კგ. ბაკურის რაზმს კი მხოლოდ 318 კგ. ჰქონდა მიწერილი.


— ხომ გეუბნებოდით, — თვალგაბარწყინებული ამბობდა ბუბა, — არ არის-მეთქი საჭირო ყოველ წუთს დავთარში ჩახედვა. ვმუშაობდით რაც შეგვეძლო და აი, ვინარჯვებთ კიდევაც.

ხიხარულისაგან ყველამ ტაში შემოვკარით.

— აწი უფრო ფხიზლად უნდა ვიყოთ, რომ ეს წარმატება შევინარჩუნოთ, — გაგვაფრთხილა ბუბამ.

— ვერაფერი წარმატებაა! — შენიშნა საწყობის გამგემ, რომელსაც აწონვა დამთავრებინა და დავთარში ახალ ციფრს წერდა.

— რატომ ვითომ? — ჰკითხა გაკვირვებულმა ბუბამ.
— მწოლარე კაცს აქვს ბავშვის აჯობებს!
— ვინ არის მწოლარე?! — წამოვიყვირეთ ერთხმად.





— განა არ იცით, რომ ბაკური მესამე დღე ავად არის?
 — ბაკური? ავად!
 — მხოლოდ ის საცოდავი გოგონები დადიან,—გაეღიმა გამგეს და ეთერს მიუბრუნდა,—კონსერვის კოლოფების გარდა, ვერაფერი მოაქვთ. რა თქმა უნდა, აჯობებთ, მით უმეტეს, თქვენს რაწმში ორი ზიგია.

ჩვენ განცვიფრებულნი და ოდნავ ნირწამსდარნი ვიყავით, რა ხანმოკლე გამოდგა სიხარული, ასეთმა იმედგაცრუებამ რწმენა და-მიკარგა გამარჯვებისა. ბუბა იდგა თვჩაღუნული და საკუთარ ცე-რა თითს ღეჭავდა.

უხმოდ გამოვედით გარეთ და ყურებჩამოყრილნი დავადექით ქუჩას.

უცერად ერთმა ბედნიერმა აზრმა გამიღვია: „მართალია, ასეთ გამარჯვებას ფასი არა აქვს, მაგრამ ერთი ხომ ცხადია, ბუბა ხომ ახლა ნამდვილად წავა ტურისტულ ლაშქრობაში, უკვე ვეღარა-ფერი შეუშლის ხელს, სიტყვა, სიტყვა! გამარჯვებ? ესე იგი, უნდა წაიყვანოს“.

მხიარულ გუნებაზე დავდექი, მიხაროდა ბუბას მომავალი სიამოვნებანი.

ჩვენ ვეძებდით, ვეძებდით... ვეძებდით ჯაროს. მართლაც რომ, თავაუღებლად განვაგრძობდით მუშაობას. დავთარში მას შემდეგ აღარც ჩავიხედინა, რადგან აშკარა იყო, ყოველდღე უფრო და უფრო წინ ვუსწრებდით ბაკურის რაწმს. მაგრამ, მიუხედავად ასეთი წარმატებებისა, ბუბა არ იყო ხასიათზე. მას შემდეგ, რაც ბაკურის ავადმყოფობა გაიგო, სულ მოხდვერილი დადიოდა, იშვიათად ამოი-ღებდა ხოლმე ხმას, აღარც ვარძიის გამოქვაბულზე ლაპარაკობდა, აღარც ტელესკოპში განხედვაზე ოცნებობდა. როდესაც მუშაობას მოვრჩებოდით, დაიკარგებოდა, მეორე დღემდე ვეღარ ვხედავდით.

ერთ კვირა დღეს მამამ პაპიროსის საყიდლად გამგზავნა. მა-ღაზია რკინეულობის საწყობის პირდაპირ იყო. როდესაც მაღაზიი-დან გამოვდიოდით, უნებურად გავიხედე საწყობისაკენ და უცერად ბუბა შევიცანი. ზურგზე მოწრილი რკინის ბორბალი მოეციდნა და საწყობში შესვლას აპირებდა.

— ბუბა!—დავუძახე და მისკენ გავიქეცი.
 ბუბა შეჩერდა, მძიმედ შემოატრიალდა და, როცა დამინახა, შე-ვატყვე, არ ესიამოვნა.

— რა გინდა?—შეცერად მკითხა მან.
 — ბუბა, რა საჭიროა კვირა დღესაც რომ წვა-ლობ, ჩვენ ხომ ისედაც გავიმარჯვებთ!
 — ვითომ?—მკითხა მან და სახე მომარიდა.
 — რა თქმა უნდა, განა შენ არ გჯერა?
 — ვეჭვობ,—თქვა მან, მერე სასწრაფოდ შებრუნ-და და მომამახა,—მანდ დამიცადე, ახლავე მოვალ!
 — მეც შემოგვევები, ბუბა!
 — არა, დამიცადე-მეთქი!—რატომღაც დამიღრია-ლა მან, მაგრამ მაშინ ყურადღება არ მივაქციე ამას და საწყობში შევეყვი. ბუბამ ბორბალი სასწორზე დააგდო, ერთი მრისხანედ შემომხედა და გამგეს უთხრა:

— ასწონეთ!
 გამგემ ასწონა და ბორბალი საწყობის ცარიელ კუთხეში მიაგდო, ცარიელ კუთხეში-მეთქი, რადგან ორი დღის წინათ ერთი ვაგონი ჯართი რუსთავის შეტალურგიულ ქარხანას გავუგზავნეთ... მიაგდო ბორ-ბალი კუთხეში და გაშალა დავთარი:
 — ისევ ისე, ხომ?—მკითხა გამგემ ბუბას.
 — დიას, ისევ ისე!

„რას ნიშნავს „ისევ ისე?“—გავიფიქრე და დავთ-რისაკენ მწერა გამქეცა. და ოი, რა დინახა ჩემმა თვალებმა—ბორბლის წონა გამგემ, ვითომც აქ არაფე-რი ყოფილიყო, ბაკურის რაწმს მიუწერა.

— რას ნიშნავს ეს, ბუბა?—შევეყვირე მე.
 — შენი საქმე არ არის!—ცვიად მომიგო მან.
 — სწორედ რომ ჩემი საქმეა, ეს ლალატია, მტრისაა ვერაფერი.
 — ხმა ჩაიკმინდე-მეთქი, ხომ გესმის?!—დამემუქრა ბუბა.

მე ძალიან, ძალიან მომხვდა გულზე მისი უბეში სიტყვები, მაგრამ ახლა ამის დრო არ იყო.

— ლალატია, ლალატი, არც კი გრცხვენია. აი, თურმე რაბებს აკეთებ ჩუმჩუმად!

— აბა, ბიძოკო, სცდები,—ნიშნისმოგებით მიოხრა გამგემ,— ეს ლალატი კი არა, ნამდვილი მეგობრობაა, ასეთები უნდა იყოთ ყველა!—და თითი ბუბასკენ გაიშვირა.

მეტი ვეღარ ავიტანე, კინაღამ ავტირდი, საწუბოიდან გამოვვარ-დი, რომ ეს ამბავი ჩვენი რაწმის წვერებისათვის მეცნობებინა.

აი, თურმე ხად იკარგებოდა ბუბა საღამომობით, რატომ მოდიო-და დილ-დილობით დასიებული თვალეებით და რატომ იღლებოდა ასე ადვილად ბოლო ხანებში. ვიგონებდი, გულში ვლანძლავდი ბუბას და უცერად, ჩემდა უნებურად, შუა ქუჩაში ხმაშალა წა-მომძღა:

— რა კარგი ყოფილხარ, ბუბა!

თვითონ გამიკვირდა ამ სიტყვებისა, მაგრამ ეს ალბათ შედეგი იყო იმისა, რასაც აქამდე გულის სიღრმეში ვგრძნობდი, რაც მჯე-როდა და რასაც ჩემს თავს ვერ ვუმუღავნებდი.

— ყოჩაღ, ბუბა!

ბაკურის რაწმმა გამარჯვებ, მაგრამ არც ერთმა მისმა წევრმა არ იცოდა, რომ ეს ბუბას „ბრალი“ იყო. გამარჯვების ამბავმა სა-წოლში მიუსწრო ბაკურს და, ალბათ, ეს სიხარულიც იყო მიზეზი მისი სწრაფი გამოჯანმრთელებისა.

იმ დღეს, როდესაც ტურისტული ლაშქრობის მონაწილე ბო-ნერებით სავსე ბორჯომის მატარებელი თბილისის სადგურზე იდგა და გახვლას ელოდებოდა, მე და ბუბა ორჯონიკიძის სახელობის პარკში ვიჯექით და აუღუზი მოცურავ გედებს შევკურებდით.

— გინდა წამო, ტირში ვისროლოთ!—შემომთავაზა ბუბამ,— შენ იცი სროლა?

მე გავვეცი.

ცოტა ხნის შემდეგ ბუბამ მკითხა:

— მიტო და ეთერი მიდიან?

— კი!

— შენ როგორღა დარჩი, შენ ხომ ადრევე გქონ-და უფლება მოპოვებული?

— ზო, მქონდა; ჩემმა კედლის გაწეთმა ყველას აჯობა.

— მერე რატომ არ წახვედი?

— არ ვიცი... არ წავედი...—დავიბენი მე, გავ-წითლდი და ბუბას სახე ავარიდე.

— ბაკურმა იცის, რომ...


— არა, არაფერი იცის, მხოლოდ ცოტა გაკვირ-ვებულთა გამარჯვებით.

— ძალიან კარგი, თუ არ იცის.

— მაგრამ შეიძლება მიტომ უთხრას გზაში!

— არ ეტყვის, მე დამპირდა, არ ვეტყვიო,— თქვა ბუბამ და ტირში შეაბიჯა, მაგრამ უცერად შესახველშივე შეჩერდა და სმენად გადაიქცა.

სადგურიდან ისმოდა ელმავლის საყვირის გაბმუ-ლი ხმა.



ბავშვებში ხელოვნების სხვა დარგებთან ერთად, გუყვართ სახვითი ხელოვნება: ფერწერა, გრაფიკა, ქანდაკება. რომელი თქვენგანი არ აღტაცებულა გამოჩენილი ოსტატების ქმნილებათა რეპროდუქციებით! ბევრი პიონერი მხატვართა ნამუშევრების გამოფენებზეც დადის, — რაც მისასალმებელია.

ყურნალი „პიონერი“ მიმდინარე ნომრიდან თავის ფურცლებზე ქმნის ახალ განყოფილებას — „სახვითი ხელოვნება“. გვინდა ყველა პიონერმა წაიკითხოს აქ მოთავსებული მასალები. გახსოვდეთ: წარმოდგენილია იყო ნამდვილად განათლებული და კულტურული ადამიანი ისე, რომ არ იცნობდეს სახვით ხელოვნებას, არ იცნობდეს როგორც მშობლიური, ისე მსოფლიოს გამოჩენილი ოსტატების ცხოვრებასა და შემოქმედებას.

გიორგი მაისურაძე

(პირველი ქართული აკადემისტი მხატვარი)

ქართველი ხალხი მსოფლიოს კულტურის ხალხებს შორეულ წარსულშივე ამოუდგა მხარში და მისი წილიდან გამოსულ მხატვართა ხელით, იმ დიდი კულტურის აკვანი დააწვია, რომელიც ქართული სახვითი კულტურის სახელით არის ცნობილი. ძველი ქართული არქიტექტურის ბრწყინვალე ძეგლები და მათი მოხატულობა, ფართოდ გავრცელებული ოქროსა და ქვის მქანდაკელობა, ქვის ჩუქურთმა და ხატწერა, კოშკიანა-ქარგობანი და სიყვარულით ნაძერწი კერამიკა, ისევე, როგორც ძველი ქართული ლიტერატურის სწორუბოვარი ძეგლები, თავიანთი ხასიათით განსხვავდებიან ახალი დროის სახვითი ხელოვნების ძეგლებისაგან.

ფერწერაში ტექნოლოგიის ახალი სახეობის — ზეთის ფერებით წერის დამკვიდრებამ მხატვრობა ახალი შემოქმედებითი ამოცანებისა და ახალ შესაძლებლობათა წინაშე დააყენა და ფართოდ გაუხსნა კარები სინამდვილის რეალისტურ ასახვას.

რუსეთის ყოფილ იმპერიაში რეალისტური მხატვრობის დამკვიდრების საქმეში დიდი ღვაწლი მიუძღვის პეტერბურგის სამხატვრო აკადემიას. განსაკუთრებით დიდია ამ მხრივ რო-

ლი დიდი რუსი მხატვრის — კარლ ბრიულოვისა.

პირველი ქართველი აკადემისტი მხატვარი გიორგი ივანეს ძე მაისურაძე სწორედ ბრიულოვის სახელოსნოდან გამოვიდა.

გიორგი ივანეს ძე მაისურაძე დაიბადა 1817 წელს, კახეთში, ცნობილი ქართველი პოეტისა და საზოგადო მოღვაწის ალექსანდრე ჭავჭავაძის მამულში — წინანდალში. მაისურაძის წინაპრები, რაჭიდან გადმოხვეწილნი, ადრე პოეტის მამის მამულში დასახლებულიყვნენ. მხატვრის დედა ელისაბედი კი კახელი გლეხის ქალიშვილი ყოფილა. მათ ხუთი შვილი ყოლიათ.

გიორგი მაისურაძემ ბავშვობა გაატარა წინანდალში. იგი სულ ალექსანდრე ჭავჭავაძის კარზე ტრიალებდა, ამ ოჯახში გაეცნო იგი პირველად ევროპული მხატვრობის შესანიშნავ ნიმუშებს, რომლებიც ა. ჭავჭავაძის საკუთრებას წარმოადგენდა. შემდეგ ნაწილობრივ ეს სურათები გადმოტანილ იქნა ხელოვნების მუზეუმში.

1832 წლის შეთქმულების გამომჟღავნების შემდეგ, გადასახლებაში მყოფმა პოეტმა ნიჭიერი ყმა რუსეთ-



გიორგი მაისურაძე

გიორგი მაისურაძე — ავტობიოგრაფი

შიც არ დაივიწყა და პირველ მოხერხებულ დროს იქ გაიწვია. მაისურაძე საქართველოდან რუსეთში 1835 წელს გაემგზავრა და მოსკოვს ჩავიდა. იქ იგი ალექსანდრე ჭავჭავაძისა და იმდროინდელი სხვა მოწინავე ქართველების დახმარებით მეცადინეობას იწყებს ხატვაში და ცნობილი რუსი მხატვრების — ტროპინინისა და ვენეციანოვის ყურადღებას იქცევს.

ა. ჭავჭავაძის მეშვეობით მოსკოვში მაისურაძის ნამუშევრებს ეცნობა ჯერ ქართველი ფილოსოფოსის ს. დოდაშვილის მეგობარი ა. ა. პეროვსკი-პოგარელსკი, შემდეგ კი ა. პუშკინი, ხოლო ამ უკანასკნელთა მეშვეობით — დიდი რუსი მხატვარი კ. ბრიულოვი. შემდეგში ბრიულოვი მაისურაძის მასწავლებელი და მფარველია.

გ. მაისურაძეს უმაღლეს სასწავლებელში შესვლისათვის აუცილებლად ესაჭიროებოდა ყმობიდან გათავისუფლება. და, მართლაც, 1837 წელს, უკანასკნელი ორი წლის განმავლობაში მაისურაძის მიერ მხატვრობაში «გამოჩენილ წარმატებათა გამო, საკეთილდღეოდ მშობლიური ხელოვნებისა», აღ. ჭავჭავაძე მაისურაძეს ათავისუფლებს ყმობიდან და პეტერბურგის საიმპერატორო სამხატვრო



ალ. ჭავჭავაძის პორტრეტი, შესრულებული გ. მაისურაძის მიერ.


მოდგენილი იყო 1839 წლის აგვისტოში ა. ბ. ბაგრატიონის პორტრეტით.

გ. მაისურაძემ აკადემია დაამთავრა 1844 წელს, სამშობლოში დაბრუნდა საბოლოოდ 1850 წელს. გ. მაისურაძემ ადრე სამშობლოში ჩამობრუნებისას შეასრულა ალექსანდრესა და მისი მეუღლის სალომეს პორტრეტები, რომლებშიც უდაოდ საინტერესოდ წარმოადგინა ისინი.

1850 წელს მაისურაძე მოღვაწეობას იწყებს ქუთაისში. აქ იგი ქართველ ახალგაზრდობაში ნერგავდა ესთეტიკურ კულტურას; მისი მოწაფეები იყვნენ: აკაკი, გ. წერეთელი, ნ. ნიკოლაძე, გ. აბაშიძე, ს. ქვარიანი, ნ. მარი და სხვა ქართველი მოღვაწეები. მათ მაისურაძე ხატვასთან ერთად კალიგრაფიასაც ასწავლიდა.

მეფის ჩინოფნიკები მაისურაძეში ხედავდნენ მათთვის არასასურველ წრიდან გამოსულ მოღვაწე მხატვარს

და სოველნაირად ვიწროვებდნენ მას. ერთხელ სამუშაოდანაც კი მოხს-



გ. მაისურაძის სახელზე გაცემული აკადემიის დამთავრების ატესტატი.

ნეს, მაგრამ ა. ჭავჭავაძის ქალიშვილების ზრუნვით იგი ხელახლა იქნა აღდგენილი სამუშაოზე.

მაისურაძე თავის ქვეყანას 35 წლის მანძილზე ემსახურა. ქუთაისში ცხოვრების პერიოდში მან შექმნა ოცამდე საინტერესო პორტრეტი, მათ შორის ალსანიშნავია ქართველი მწერლების: ალ. ჭავჭავაძის, რ. ერისთავის, დ. ჭონქაძის და ივ. კერესელიძის, ქართული კულტურის მოღვაწეთა, ქართველ მასწავლებელთა და მანდილოსანთა მეტყველი და წარუშლელი სახეები. საჭიროა ზოგიერთი ნამუშევრის გაწმენდა დროის დანაღვლისაგან და მათი სათანადო შესწავლა.

მაისურაძე ოჯახს მოეკიდა ქუთაისში. იქ მან ცოლად შეირთო ბოლონეთის აჯანყების მონაწილის—ფორტუნატ ცეხანოსკის ქალიშვილი. მხატვრის ცხოვრების ბოლო წლებშია შესრულებული ახალი დროის ქართული საპორტრეტო ჟანრის ერთ-ერთი უბრწყინვალესი ნიმუში—ავტოპორტრეტი.

გ. მაისურაძის წვლილი ჩვენს ქართულ მხატვრობაში დიდია. იგი ქართველ მხატვართა შორის თავის შემოქმედებით პირველი დაუპირისპირდა საეკლესიო პირობითს ხატურასა და ირანულ მხატვრობაში გაბატონებულ პირობითობასა და სტილიზაციის მეთოდს, და ქართულ მხატვრობაში სამოქალაქო, ახალი დროის შესაფერისი, რეალისტური მხატვრობა და მისი მეთოდი დაამკვიდრა.

გ. მაისურაძე იბრძოდა მხატვრობაში მისი ეპოქის დიდი იდეალების განმტკიცებისათვის, იბრძოდა იმ საქმიანათვის, რისთვისაც იბრძოდა მაისურაძის თანამედროვე ქართული მწერლობა და თეატრი. იგი იყო დიდი ჰუმანისტი. მისი შემოქმედების ქვაკუთხედს ადამიანი წარმოადგენდა.

გიორგი მაისურაძე გარდაიცვალა ქუთაისში, 1885 წელს. დასაფლავებულია იგი მწვანე ყვავილას ვალანში, სადაც 1958 წელს გაიხსნა ქართველ მოღვაწეთა პანთეონი.

მალვა კახსხაძე.

ხელოვნებათმცოდნეობის კანდიდატი.



ქ. გოგიაშვილი

ნახ. გ. ქუთათელაძისა

პიესა 2 სურათად

მონაწილენი:

1. ნატო, 2. ვახტანგი (ნატოს შეილიშვილი), 3. ზამთარი,
4. გივი, ლეო, ავთანდილი, შაქრო (მეზობლები).

სურათი პირველი

(სცენა წარმოადგენს ეზოს. სახლის შესასვლელთან კიბეზე დგას ნატო, რომლის გარშემოც შემოხვეული არიან ლეო, გივი და ავთანდილი).

ნატო—ყური დამიგდეთ, ჩემო პატარებო! ხომ იცით, რატომ გახდა აუად ვახტანგი?

ავთანდილი — იმიტომ, რომ გაცივდა.

ლეო—სკოლაში უპალტოოდ დდიოდა.

გივი — არც ქუდს იხურავდა.

ნატო—ჰოდა, დაიმახსოვრეთ! სიცხეში თბილად უნდა ჩაიცვათ. ვახტანგმა არ გამიგონა და წევს ახლა სიცხიანი. მე თქვენი დიდი მადლობელი ვარ. გუშინწინ გვიმ დახერხილი შეშა დამაწყობინა, გუშინ ლეომ წერილი დამიწერა, დღეს ავ-

თანდილმა წამალი მომიტანა, ამიტომ თქვენთვის საჩუქრები მაქვს გამზადებული, ახლავე მოგიტანო. (შედის სახლში).

გივი—ნეტავ რა უნდა გვაჩუქოს?

ლეო—ჩურჩხელებს დაგვირიგებს...

გივი—ხილს გამოგვიტანს...

ნატო—(გამოდის. საჩუქრები დამალული აქვს) აი, ეს შენ, ჩემო ლეო...

ლეო ვაი, რა ლამაზი წინდებია, გმადლობთ ბებია. (გამოართმევს).

ნატო—ოღონდ ჩუმად, ნუ იხმაურებთ.

გივი—მერე ვახტანგს?

ნატო—ვახტანგსაც აქვს. ეს შენ, ჩემო გივი...

გივი—გმადლობთ, ბებია, (გამოართმევს) რა კარგი ხელთათმანებია...

ნატო—ეს შენ, ავთანდილ.

ავთანდილი—რა კარგი ყელსახვევია! ესეც თქვენი მოქსოვილია?

გივი—მაშ, მაშ! ბებიე, ჩუქრებს ქსოვის ნამდვილი ოსტატები ვართ...

ნატო—მაგრამ ყველაზე უკეთესი საჩუქარი ჯერ თქვენთვის არ მიჩვენებია.

ყველანი—რა არის, ბებია?

ნატო—იმასაც ახლავე ნახავთ. (შედის სახლში).

(შემოვარდება შაქრო).

შაქრო—თქვენი ჭირიმეთ, ბიჭებო, დამალეთ ჩქარა...

ყველანი—რა იყო, რა ამბავია?

შაქრო—ჯერ დამალეთ და მერე გეტყვით... ვილაც კაცი მომდევს. ლეო, გაიხედე რა, მოდის?

ლეო—არა, იქით გაუხვია.

შაქრო—ველარ შემხედა, აქ რომ შემოვედი...

გივი—რა იყო, შაქრო?

ავთანდილი—რა მოხდა?

შაქრო—ყველაფერი მე უნდა დამემართოს! ქუჩაში მტრედებს შურდული ვესროლე, ქვა ახტა და ვილაც კაცს თავში მოხედა... თქვენ აქ რას აკეთებთ, რას შეგროვილხართ?

ლეო—აი, ბებია ნატომ რა მომცა...

ავთანდილი—აი, მე...

გივი—ეს მე მაჩუქა...

შაქრო—რატომ დაგასაჩუქრათ? ახლა სად არის?

გივი—სახლში შევიდა. ყველაზე უკეთესი საჩუქარი უნდა გამოიტანოს.

შაქრო—ის ალბათ ჩემთვის უნდა...

ავთანდილი—როგორ არა, შენ თანჯარა გაუტეხე და საჩუქარს მოგცემს?

შაქრო—მე როდის გაუტეხე... (შურდულს უბეში მალავს) ბებია ნატომ კარგად იცის ვინც გაუტეხა!

გივი—მინც, ვინ?

შაქრო—ვინა და შენ!.. (გამოდის ნატო ცივით ხელში) გამარჯობა, ბებია, ნატო... (წინ დაუდგება).

ნატო—იცოცხლე, შვილო. ჩემმა ვახტანგმა ორი ცივა გააკეთა. გუშინ თქვა: ორი რად მინდა, ერთი ჩემს რომელიმე ამხანაგს აჩუქეო.

შაქრო—ჩემზე იტყოდა.



ცივა არ მინდა... (ატირღება).
ნატო—მოდი ჩემთან... გამომარ-
 თვი...
 (შაქრო მიდის ნატოსთან, გადაეხ-
 ვევა და ატირღება):

ფ ა რ ღ ა

ს უ რ ა თ ი მ ე ლ რ ე

(იგივე სცენა. თოვს. გამორბის
 თბილად ჩაცმული ავთანდილი).
ავთანდილი—(გახარებული) თოვს!..
 თოვს!.. რა კარგია, რა კარგია!.. გივი,
 ლეო, შაქრო, აქ გამოდით ჩქარა...
 (გამორბიან თბილად ჩაცმულნი გივი
 და ლეო, შაქრო ცივით შემორბის
 ნატოს სახლიდან).
გივი და ლეო—თოვს... თოვს...
შაქრო—ჰო, შენი გულისა, რას
 ვიცვიგავებთ!
ავთანდილი—შაქრო, ცივას მათ-
 ხოვებ?
შაქრო—როგორ არა...
გივი—მე არ დამსვამ?
შაქრო—მაშ! (ცივას ძირს დადებს)
 აბა, ცივაზე დასხედით, ჩქარა!
 (სხდებიან, შაქრო ცივაში გაეხმე-
 ბა. მღერიათ)
ყველანი—შეგებმოდით მე ცივაში
 და ზედ მიჯდა გოგიელა,
 გადაბრუნდეს ჩვენი ცივა,
 (ცივა გადაბრუნდება)
 ჰერი ბიჭო, კოტრიელა!
 (ყველანი იცინიან, ჰიშკრისაკენ
 გარბიან)
ავთანდილი—ხედავთ? ზამთარი
 მოდის...
ყველანი—ზამთარი მოდის! ზამ-
 თარი მოდის!..

ავთანდილი—წავიდეთ, ვინცნაწი
 გავხარო... მაგრამ წიგნს—
 რომ დაწყდეს?
შაქრო—რას ამბობ, ვახტანგი უკვე
 ფეხზეა, კარგადაა...
გივი—(ჰიშკარში იცქირება) აქეთ
 მოდის...
ყველანი—აქეთ მობრძანდით ზამ-
 თარო, აქეთ...
შაქრო—(ეძახის) ბებია ნატო,
 ვახტანგ, ჩქარა, გამოდით, ზამთარი
 მოდის. (გამოდის თბილად ჩაცმული
 ვახტანგი)
ვახტანგი—გამარჯობათ, ბიჭებო...
 (ეძახის) ბებია, ჩქარა, გამოდი.
 (გამოდის ბებია)
გივი—აი, შეხედე! (შემოდის ზამ-
 თარი, მხარზე ხურჯინით).
ზამთარი—გამარჯობათ, ჩიტუნე-
 ბო...
ყველანი—გაგიმარჯოს, ბაბუა!..
ზამთარი—გესალმებით პატარებო,
 მალხაზებო, ცანგალებო,
 მახარებს, რომ კარგად მხვდებით,
 მიყვარს თქვენებო ბეჯითები;
 მოგიგონებთ მუდამ ქებით,
 ვინც მოხუცებს ეხმარებით;
 არ იცრუოთ არ იანცოთ,
 მსურს სწავლაში ივაჟაკოთ;
 დაგიფარავთ მიწას თეთრად,
 იცივავთ თოვლში ერთად;
 ჩემთან მოდით, ახლოს, გვერდით,
 ყველა ტბილად დამიბერდით;
 მუდამ კარგად მინდა გნახოთ!
 მოდით, ცეკვა გავაჩალოთ!
 (შუაში ზამთარს ჩაიყენებენ და ცეკ-
 ვავენ).

ფ ა რ ღ ა

ნატო—ყველაზე მეტად ვის გიყ-
 ვართ ცივაობა?
ყველანი—მე... მე...
შაქრო—გაჩუმიდით, ნუ ყვირით!..
 ბებია ნატო, ამათ რა ყურს უდებთ,
 ვახტანგი ჩემზე იტყოდა მიეციო,
 ამათთვის საჩუქრები დაგირიგებიათ
 კიდევ. აი, თუნდ ვკითხოთ! (შესვ-
 ლას აპირებს ვახტანგთან).
ნატო—მოიცა, არ შეხვიდე, ძი-
 ნავს... ამ ცივას მიიღებს ის, ვინც
 ჩემი ფანჯრის მინა გატეხა... (ყვე-
 ლანი ჩუმად არიან). მაშ, თქვენ არ
 გაგიტეხიათ? კარგი, რაკი სიმართ-
 ლის თქმა არ გყვარებიათ, ეს ცივა...
 (უნდა გაბრუნდეს)
შაქრო—(აწყვეტილებს) ბებია ნა-
 ტო... (ნაბიჯს გადადგამს, შეჩერდე-
 ბა, შურდულს ამოიღებს, ჯოხს გა-
 ტეხავს, რეზინებს დაწყვეტს და გა-
 დააგდებს) ბებია ნატო... არ მინდო-
 და... უცაბედად მომიხდა...
ნატო—კეთილი... რაკი ასეა, ეს
 ცივა შენთვის მიჩუქნია.
შაქრო—ბებია ნატო... არა... მე





ასეთია მათი ხეაღარი

XVII ოლიმპიური თამაშების დროს იტალიის დედაქალაქ რომის და სხვა ქალაქების მოედნებსა თუ ქუჩებში ხშირად ნახავდით პატარებს, რომლებიც მათთვის შეუფერებელ სამუშაოს ასრულებდნენ. ჩვენ რამდენიმე ჩანახატი გავაკეთეთ, რომ გასაგები იყოს, თუ როგორ ცხოვრობენ მშრომელთა ბავშვები იტალიაში.


* * *

—ჭრელ-ჭრელი ბურთები, ოლიმპიური ემბლემებით მოხატული ბურთები!—ხმაჩახლეჩით გაჰყვიროდა ცეროდენა ბიჭუნა რომის ოლიმპიური სტადიონის წინ მდებარე მოედანზე და ცნობისმოყვარეთა თუ ნამდვილ მედიდელთა თვალწინ ჰაერში ატრიალებდა ბურთებს, სტადიონის ტრიბუნებიდან კი გამაყრუებელი ხმაური და ტაშისცემა მოისმოდა. ეს — ათათასობით სპორტის მოყვარული ესალმებოდა თუ ამხნევებდა მსოფლიოს სახელგანთქმულ სპორტსმენებს. ბურთების გამყიდველი ხშირად იქითკენ იმზირებოდა, საიდანაც ხმაური ისმოდა, შურით ავსებულ თვალებს გააყოლებდა მის წინ გავლილ ტოლებს, რომლებიც მშობლების თანხლებით შეჯიბრების სანახავად მიიჩქაროდნენ. ალბათ როგორ გუ-

ლით უნდოდა ძონძებში გამოწყობილ პატარას ერთხელ მაინც მოეგლო თვალი სტადიონის ლამაზად მორთულ ტრიბუნებისათვის, საქვეყნოდ განთქმულ სპორტსმენებისათვის. მაგრამ სად ჰქონდა მას ბილეთის შექენის საშუალება, რომელიც ძალზე

ძვირი იყო და მასავით ღარიბი ბიჭუნა ვერ იყიდდა, თუგინდ მთელი კვირის განმავლობაში დილიდან ღამემდე ევაჭრა, ხმის ჩახლეჩამდე ეყვირა:

—ჭრელ-ჭრელი ბურთები, ოლიმპიური ემბლემებით მოხატული ბურთები!..



ჩვენს დანახვაზე მარჩილომ ურიკა შეაჩერა და გვთხოვა სურათი გადაგვეღო მისთვის.

„დომუს მარია“— ასე უწოდებდნენ იმ შენობას რომში, რომელიც მრავალი ქვეყნიდან ჩამოსულ ეურნა-ლისტებს ემსახურებოდა, სპორტუ-ლი შეჯიბრების ამსახველ ცნობას აძლევდა. აქ ხშირად ნახავდით 12-13 წლის პატარა ბიჭუნას, რომელიც შენობის წინ ტრიალებდა. უფროსი რომ დაუძახებდა და პაკეტს გადასცემდა, იგი მოტოროლეგის მძღოლს უკან მიუჯდებოდა და ქალაქის ხან ერთ, ხან მეორე კუთხისაკენ მიჰქროდა.

— მამაჩემის ერთმა კეთილმა ნაცნობმა მომიხერხა აქ სამუშაოდ მოწყობა. ძალზე ბედნიერი ვარ, რომ უფასოდ ვუყურებ შესანიშნავ სპორტსმენთა შეჯიბრებას. თუმცა ეს სიხარული ძალზე ხანმოკლეა, რადგან შევალ თუ არა შეჯიბრებაზე, თვალს მოვაგლებ იქაურობას, მაშინვე გადმომცემენ შედეგებს და მეც იძულებული ვარ სწრაფად უკან გამოვბრუნდე. მაინც კმაყოფილი ვარ. ოლიმპიადის შემდეგ გასამრჯელოს მივიღებ, სახელმძღვანელოებს ვიყიდო, რომ წელს მაინც წამდაუწუმ არ ვირბინო სკოლის ამხანაგებთან წიგნების სათხოვრად.

— რობერტო, სასწრაფოდ ჩემთან! — შემოვსმა ჩემთან საუბრით გართულ პატარას და იგი მაშინვე შენობის შესასვლელთან გაჩნდა, უფროსს პაკეტი გამოართვა, მოტოროლეგთან მიიბრინა, მძღოლს უკან მიუჯდა და თვალს მოეთვარა.

სახედარშებმული ურიკა ხმაურით მირახრახებდა ნეაპოლის ერთ-ერთ ქუჩაზე. მას უკან ყვილ-ხივილით მისდევდნენ ანცი ბიჭუნები.

— მარჩელო, მარჩელო, დავგსვი ურიკაზე, — ემუდარებოდნენ სახედარზე წამოჭიმულ შავგვრემან მარჩელოს, რომელიც პატარებს სურვილს ვერ უსრულებდა, ამიტომ მათ მათრახით იგერიებდა. თურმე, სად სცალოდა მარჩელოს აბეზარა მფხოვნელებსაიღვის. მას მთელი დღე უნდა ეხეტიალა, თუნუქისა თუ რკინის ნამტვრევები უნდა შეეგროვებინა და სახელოსნოში მიეტანა, სადაც იგი მუშაობდა.

ჩვენს დანახვაზე მარჩელომ ურიკა შეაჩერა. მკვირცხლად გადმოხტა, მოგვიახლოვდა, შეგვათვალიერა, იტალიურ ენაზე გვკითხა თუ სიიდან ვიყავით ჩამოსული და, როცა პასუხი მიიღო, სახე გაუბრწყინდა, გვთხოვა მისთვის სურათი გადაგვეღო. ჩვენ მას სურვილი შევუსრულეთ და აქვე მოთავსებულ ფოტოზე სწორედ ის მარჩელოა, რომელმაც დღეში 12 საათი ქუჩა-ქუჩა უნდა იხეტიალოს, მკირეოდენი გროშები მიიღოს, რომ ავადმყოფ დედას ლუკმაპური მიუტანოს.

მარჩელომ თავისი ამბის მოყოლა რომ დაამთავრა, თითქოს რაღაც გაახსენდაო, სწრაფად მოგვცილდა, კვლავ ურიკას კოფოს მოახტა. ურიკამ რახრახით განაგრძო გზა, მარჩელო კი ხელებს მანამდე გვიქნევდა, სანამ მოსახვევში არ გაუჩინარდა.

ზ. ჯაშარიძე

დიდის მოწიწებით მოვინახულეთ იტალიის ეროვნული გმირის—ჯუზეპე გარიბალდის ძეგლი, რომელიც აღმართულია რომში. მე-19 საუკუნის მეორე ნახევარში გარიბალდის სახელი იყო დროშა თავისუფლებიხა და ეროვნული დამოუკიდებლობისათვის მებრძოლი ხალხისა. იგი სათაყვანებელ გმირს წარმოადგენდა სხვადასხვა ქვეყნის რევოლუციური ახალგაზრდობისათვის. 1848—1849 წლების იტალიის რევოლუციის დროიდან გარიბალდი კარგად იყო ცნობილი საქართველოშიც. განსაკუთრებით პოპულარული გახდა გარიბალდი ჩვენში იმ დროიდან, როდესაც მან დაიწყო თავის მოხალისეთა „ათასეულით“ ცნობილი ლაშქრობა. მკირერიცხოვანი პარტიზანული რაზმით გარიბალდის სასახელო გამარჯვებებმა აღფრთოვანება გამოიწვიეს ქართველ მოწინავე ახალგაზრდობაში. დიდი პატივისცემა იტალიის ეროვნულ-განმათავისუფლებელი მოძრაობის მეთაურისადმი გამოამჟღავნეს: ილია ჭავჭავაძემ, აკაკი წერეთელმა, გიორგი წერეთელმა, კირილე ლორთქიფანიძემ და სხვებმა. მე-19 საუკუნის 60-იანი წლების ქართულ პერიოდულ პრე-



ორის რაიონის სოფელ მეჯვრისხევის საშუალო სკოლის პიონერებმა გადაწყვიტეს ახალი სასახელო საქმეებით აღნიშნონ პიონერული ორწლედო. ყოველდღე, გაკვეთილების შემდეგაც არ წყდება სკოლის ეზოში ურიაშული. რგავენ ხეხილის ნერგებს. სკოლის ეზოში ხშირად შეხვედებით ანზორ ზუმბულაძეს. მან კარგად აითვისა ხილის მყნობის ხელოვნება; ნორჩ ნატურალისტთა რესპუბლიკურ კონკურსზე მის მიერ მოვლილი ხილი და ჭარხალიც იყო წარდგენილი. და აი, ერთ დღეს მეჯვრისხევის სკოლაში ანზორ ზუმბუ-

ლაძის სახელზე პატარა ამანათი მოვიდა. კონკურსის ეთურიმ ანზორი ფასიანი საჩუქრით დააჯილდოვა.

პიონერებმა დაამთავრეს სასკოლო ფერმის მშენებლობა, აქ ისინი უვლიან და ზრდიან ქათმებს. მეჯვრისხეველი პიონერები ხშირად დადიან ტყეში და აგროვებენ სამკურნალო მცენარეებს.



ამტრედის რაიონის სოფელ ეწერის საბავშვო სახლის აღსაზრდელებმა პიონერული ორწლედო თავიანთი სკოლის კეთილმოწყობით დაიწყეს. ისინი დაუზარებლად მუშაობენ უწერაიანეთის გზაზე, ამოავხეხ ორმოები, მოასწორებს ხრეშით, გზის ორივე მხარეს გაწმინდეს თხრილები და წესრიგში მოიყვანეს სამანქანო გზა.

საში ხშირად თავსდებოდა ნარკვევები ჯუზეპე გარიბალდის ცხოვრებისა და მოღვაწეობის შესახებ.

1863 წელს „ცისკარში“ ანტონ ფურცელაძემ ვრცელი ნარკვევი მიუძღვნა გარიბალდის ცხოვრებას. 1860 წელს დაწერა და 1871 წელს „კრებულში“ გამოაქვეყნა ილია ჭავჭავაძემ თავისი საბრძოლო ლექსი— „მესმის, მესმის სანატრელი“, რომელიც მიძღვნილი იყო გარიბალდის განმათვისუფლებელი ბრძოლებისადმი; გ. წერეთლის „მგზავრის წიგნში“ ბევრია ნათქვამი გარიბალდის სახელოვანი ბრძოლების შესახებ და ხაზგასმულია მისდამი თანაგრძნობა. როგორ ვიცით, ი. ჭავჭავაძეს სდომია მოხალისედ წასვლა გარიბალდის რაზმში, მაგრამ სხვადასხვა მიზეზების გამო, ეს ვერ მოუხერხებია. ი. ჭავჭავაძეს თავის სამუშაო კაბინეტში ჰქონია გარიბალდის დიდი სურათი.

1849 წელს ჯანიკოლოს გორაკის ფერდობზე გარიბალდელთა მცირე რაზმი ჯუზეპე გარიბალდის მეთაურობით რომის დასაცავად მტკიცედ უტევდა და ებრძოდა ფრანგების მრავალრიცხოვან ჯარს. ამ ისტორიული მოვლენის აღსანიშნავად, რითაც დაიწყო იტალიის გათავისუფლება, გორაკზე აღმართულია ცხენზე ამხედრებული გარიბალდის ბრინჯაოს ძეგლი, რაც რომის შორეულ ქუჩებიდანაც კი მოჩანს. მას ამშვენებს აგრეთვე სხვადასხვა საბრძოლო ეპიზოდები და ფიგურები.

ამ ძეგლის მახლობლად, გორაკიდან დაშვებისას, დგას გარიბალდის მეუღლის, ბრაზილიელი ქალის ანიტა რიბერასის ძეგლი. ანიტა რიბერასი გვერდით ედგა თავის სახელოვან ქმარს ჯუზეპე გარიბალდს. ანიტა იყო გარიბალდის თავდადებული მეგობარი და მეგრძოლი ამხანაგი. იგი მონაწილეობდა გარიბალდის ყველა ბრძოლაში. რომის დაცემის შემდეგ, როდესაც გარიბალდმა დასტოვა იტალია, ანიტა თან გაჰყვა მას. მათი გზა აუწყრლად მიიწეოდა რაზმს საშინელ პირობებში, უსმელუქმელს მოუხდა აპენინის მაღალ მთებზე გადასვლა. ეს ვერ აიტანა ფიზიკურად დაქანცულმა, ავადმყოფმა ანიტამ და იგი გზაში გარდაიცვალა.

ძეგლი გამოხატავს გმირ ქალს, რომელიც მიჰქრის უბელო ცხენით.

იქვეა ამართული გარიბალდის თანამებრძოლთა მცირე ძეგლები და სტატუები. ხალხმა მათი ხსოვნაც დიდი პატივისცემით შეინახა.

იტალიაში მრავალი ადგილია დაკავშირებული გარიბალდის სახელთან. მისდამი პატივისცემის დამადასტურებელია მრავალი ძეგლი და სტატუა, რაც გაფანტულია მთელს იტალიაში. იტალიელი პატრიოტები სიყვარულით უჩვენებენ სტუმრებს იმ ადგილებს, სადაც გარიბალდი და მისი რაზმელები იბრძოდნენ სამშობლოს თავისუფლებისა და გაერთიანებისათვის. პატარა კუნძული



ჯუზეპე გარიბალდის ძეგლი

კაბერა, სადაც ბოლო ხანებში ცხოვრობდა და 1882 წელს გარდაიცვალა გარიბალდი, სამშობლოს მოსიყვარულე შვილებისათვის სათაყვანებელ ადგილად ითვლება.

გლადიატორების საბრძოლო ასპარეზი

ერთ-ერთი უდიდესი შენობა რომში არის სახელგანთქმული კოლიზეი. იგი მართლაც რომ გრანდიოზულია. თავდაპირველად მას რქმევია ამფითეატრი, შემდეგ კოლიზეი



ყვარჩელის ილია ჭავჭავაძის სახელობის სკოლის პიონერებმა განიზრახეს, პიონერული ორწლედის პერიოდში სკოლაში მოაწყონ დიდი გამოფენა— „ლენინი ბავშვებთან“— და უკვე დაიწყეს მასალების შეგროვება.

პიონერული ორგანიზაციის 40 წლისთავის აღსანიშნავად მოსწავლეებმა დაიწყეს პიონერული ბაღის გაშენება, მათ უკვე 150 ძირი ხეხილი დარგეს.

ქალაქის მე-2 საშუალო სკოლის პიონერებმა სასკოლო სპორტული მოედნის მოწყობით ისახელეს თავი და ახლა სპორტულ თამაშებსა და შეჯიბრებებს თავიანთი სკოლის ტერიტორიაზე ატარებენ.




არაქიანი შემოდგომა იდგა ახალციხის რაიონში. კოლმეურნეები მოსავლის აღებას ვერ აუდიოდნენ. აქაური პიონერები, რომლებმაც საკოლმეურნეო შრომაში აქტიური მონაწილეობით აიღეს პიონერული ორწლედის სტარტი, მხარში ამოუდგნენ უფროსებს და დაუზარებლად ეხმარებოდნენ მათ სიმინდის, კარტოფილის, ხილისა და ბოსტნეულის მოსავლის აღებაში.

მართო ერთ დღეს სოფელ წნისის შვიდწლიანი სკოლის 17-მა მოსწავლემ მოტეხა და გაარჩია 1277 კგ. სიმინდი, შრომაში თავი ისახელეს მეშვიდეკლასელებმა: გივი ტყავაძემ, თამარ სულაძემ, ნოდარ იჩქიაძემ, მერი გიგილაძემ და სხვებმა.

კოლიზეი აშენებულია იერუსალიმის დანგრევის შემდეგ ტყვედ წამოყვანილი ებრაელების შრომით, ჩვენი წელთაღრიცხვის 72—80 წლებში. კოლიზეის აქვს ელიფსის ფორმა, მოცულობით—განი 156 მეტრი და სიგრძე—188 მეტრი. იგი ნაშენი იყო აგურისა და გრანიტისა, ტუფისა და მარმარილოსაგან.

გარედან კოლიზეის კედლები აღწევდა თითქმის 50 მეტრ სიმაღლეს და გაყოფილი იყო ოთხ სართულად. 76 შესასვლელით შედიოდნენ მასში მაყურებლები. იგი იტევდა სამოცი ათას მაყურებელს. ამალეებულ ადგილზე გამოყოფილი იყო საგანგებო ადგილები იმპერატორისა, სენატორებისა, ქურუმებისა და მაღალი მოხელეებისათვის. პირველი იარუსი განკუთვნილი იყო სამხედრო პირებისა და მათი ოჯახებისათვის, მეორე — პატრიციებისათვის, მესამე — ქალებისათვის. მესამე იარუსის ზევით მოთავსებული იყო ქანდარა დაბალი ფენებისათვის. ყველაზე მაღლა განლაგებული იყო მეზღვაურთა გუნდი, რომელიც სიციხეში სპეციალური მოწყობილობის საშუალებით, ამ უზარმაზარ შენობას გადააფარებდა ხოლმე საფარველს, რათა მაყურებლები არ შეეწუხებინა მზეს.

კოლიზეი განკუთვნილი იყო გლადიატორების ურთიერთ შეტაკებისათვის და გარეულ მხეცებთან ბრძოლისათვის. მის ცენტრში მოთავსებული იყო არენა 86 მეტრის სიგრძისა და 54 - განისა.



შუა საუკუნეებში კოლიზეი გადაქციეს ციხე-სიმაგრედ, შემდეგ ყაზარმებად. მეოთხმეტე საუკუნეში კოლიზეიში აწყობდნენ ხარების ბრძოლას.

კოლიზეი განადგურდა რომზე ბარბაროსების თავდასხმების დროს, ხოლო მეოთხმეტე საუკუნეში ეს შენობა დიდად დაზიანეს ნორმანებმა. მნიშვნელოვანი ნგრევა ამ შენობისა გამოიწვია აგრეთვე ვახშირებულმა მიწისძვრებმა. მაგრამ კოლიზეის ცუდად დაცვის მთავარი მიზეზი იყო არა მხოლოდ მტრების შესევები და მიწისძვრები, არამედ რომის პაპების მტაცებლობა, რომლებიც მრავალი საუკუნის განმავლო-

ბაში ანგრევდნენ მას, როგორც საშენ მასალას ეკლესიებისა და სასახლეებისათვის. მხოლოდ მეთექვსმეტე საუკუნის დასაწყისიდან რაფაელმა, რომელიც გახდა რომის მთავარი არქიტექტორი, იშუამდგომლა პაპის წინაშე კოლიზეის დაცვის შესახებ.

მიუხედავად ნგრევისა და განადგურებისა, კოლიზეი დღესაც დიდ შთაბეჭდილებას ახდენს მნახველზე თავისი მონუმენტობით. კოლიზეი განსაკუთრებით ეფექტურია დამით, პროექტორების შუქზე. დავდიოდით ამ ნანგრევებს შორის და ვიგონებდით მის საშინელ წარსულს, იმ სისხლს, რომელიც მის კედლებში დაღვარეს დამონებულმა ადამიანებმა.

პროფესორი
პალკა რალიანი



ბილისის რკინიგზის მე-10 სკოლის ა. წერეთლის სახელობის მეორე რაზმეულის პიონერებმა პიონერული ორწლიდის სტარტი შავი და ფერადი ლითონის ჯართის შეგროვებითა და კახეთის გზატკეცილის გამწვანებით დაიწყეს. იმ დღეს დარგეს ნერგები, შეაგროვეს ჯართი.

პიონერებმა შეფობა იკისრეს თბილისის მე-17 საბავშვო ბაღზე. აღსაზრდელებს აჩუქეს კურდღლები, მტრედები და წიწილები. ბაღის ტერიტორიაზე დარგეს მარადმწვანე ხეების ნერგები.



ოხუმის პიონერები აქტიურად ჩაებნენ პიონერულ ორწლიდში. მათ გადაწყვიტეს შეაგროვონ 200 ტ. ჯართი, მონაწილეობას ღებულობენ სოხუმის სტადიონის მშენებლობაში.

რაზმეულებმა გადაწყვიტეს აქტიურად იმუშაონ თავიანთი სკოლების ეზოების გამწვანებაზე. გაახარებენ ოთახის უვავილებს, ხეხილის ახალ ნერგებს. მე-4 საშ. სკოლის მოსწავლეებმა დაიწყეს პიონერული ბაღის მშენებლობა, უკვე დარგეს 50 ძირი მანდარინის ხე.



რ. ლუბიმივილი

ნაბ. თ. ხაშხანიძისა

ზ ლ ა კ ა რ ი

ზაფხულის საამური საღამო იყო. მეწამული მზე დასავლეთისაკენ ეშვებოდა, აღმოსავლეთით კი, თითქოს იმით დამორცხვებული, მზეს შუქი მოვპარეო, ფერმკრთალი მთვარე გამოჩნდა.

სიბნელე თანდათან ძალას იკრებდა და გარემოს ეუფლებოდა. უღრანი ტყის შუაგულში, მწვანე მდელოზე, მგელი, აფთარი, ფოცხვერი და მელა დამსხდარიყვნენ. ზვიადი ლომი მხარეთქოზე წამოწოლილიყო. მათ გარშემო, ხის ტოტებზე შემსხდარიყვნენ ჭოტები, ბუები და შეკრებილთ დაჰყურებდნენ თავიანთი დიდრონი, ყვითელი თვალებით.

— ჩემო კეთილნო,— მიმართა შეკრებილთ ლომმა,— შე თქვენ შეგყარეთ ჩვენი საერთო, დიდი საქმის გამო. კარგად მოგეხსენებათ, გაზაფხულის თვეებში ღამე მეტად ხანმოკლეა, ხშირად ვერც კი ვასწრებთ ნადირობას. მერე და რატომ? იმიტომ რომ აი, ამ მთიდან მზე ამოვა, არემარეს გაანათებს და იძულებულს გვხდის ისევ მივიმალოთ. აი, მაგალითად, წუხელ ჩემს ნათლიას მინდორში მოზერისათვის თვალი მოუკრავს, გაქანებულა, დასწევია კიდევ, მაგრამ შემდეგ, სწორედ ამ დროს, მზეს გადმოუფენია თავისი სხივები და ნათლია იძულებული გამხდარა კულამოდუებული შემობრუნებულიყო ტყეში. შეშინებია, მონადირეებს არ დაენახათ.

თქვენც ხომ ხშირად მოგსვლიათ ასეთი უბედურება, ხშირად მშვიერი რჩებით ამ ვერაგი მზის გადასკიდე!

— მართალია, მართალი!— ყოველი მხრიდან შესძახეს მხეცებმა ლომს.

— ჩვენც, ჩვენც მშვიერებს გვტოვებს!— შესჩხავლეს ტოტებზე ღამის მტაცებელმა ფრინველებმა.

— ჰოდა, თუ ასეა, როდემდე უნდა ვითმინოთ მზის თავხედობა?— გადმოაბრიალა ლომმა თვალები. — რა ვქნათ, რომ მზემ აღარ შეგვაწუხოს?

მხეცები და ფრინველები დუმდნენ.

— არ იცით?— იკითხა ლომმა და უზარმაზარი თათი ჰაერში შოლტივით მოიქნია.

— არ ვიცით!— ამოიკენესეს შეშინებულმა მხეცებმა.

— არც ჩვენ ვიცით,— დასძინეს ჭოტებმა და ბუებმა.

— მაშ, ყური მიგდეთ, — მედიდურად გადახედა ყველას ლომმა. — ხომ ხედავთ იმ მთას? ყოველ დილით მზე აი, იქიდან ამოდის. მაშ მოდით, იმ მთის წვერზე მაღალი კედელი აღვმართოთ, მზეს გზა გადავულობოთ, საშუალება მოვუსპოთ გადმოაფრქვიოს დედამიწაზე თავისი სხივები. ხომ მიხვდით, რა უნდა გააკეთოთ?

— მივხვდით! მივხვდით!— შესძახეს ტყის მეფეს მტაცებლებმა.

— ძირს მზე! გაუმარჯოს ლამეს!— ალტაცებით შეს-
ძახეს მხეცებმა და უმაღლე კედლის აშენებას შეუდგნენ.
საერთო საქმემ დააახლოვა მტაცებლები.

მოჰქონდათ მიწა, ქვა, ღორღი და მთის მწვერვალზე
ყრიდნენ.

გაფაციცებით მუშაობდნენ ლამის მტაცებლები. მთის
მწვერვალის სულ უფრო მაღლდებოდა, კედელი ცისკენ
მიიწევდა.

— მაღლა, კიდევ უფრო მაღლა, მაღლა!— ბრძღვი-
ნავდა ლომი და მხეცებიც ძალას არ ზოგავდნენ.

— აჰა, ბოლო მოეღო მზის ბატონობას! ამიერიდან
ველარ გადმოიხედავს!— ისმოდა მათი მხიარული ყვირინა.
და კვლავ მუშაობდნენ. უეცრად, წარმოუდგენელი რამ
მოხდა: ცამ ფერი იცვალა, შეფერმკრთალდნენ ვარსკე-
ლავები და თანდათან გაჰქრნენ კიდევ... საღდაც, ცის
თალიდან, ვარდისფერი სხივი გადმოეშვა.

— ეს რა არის? ნუთუ ისევ მზეა?!— კითხულობდნენ
შეშფოთებული მხეცები და გაოგნებული იტყვიებოდნენ
ზევით.


— უფრო მაღლა აღმართეთ კედელი! მთა აამაღ-
ლეთ!— ღრიალებდა ლომი.

მაგრამ ყოველივე ამის იყო, მზე თანდათან მიინკ
მაღლა იწევდა და იქაურობას სულ უფრო ანათებდა.

— სტაცეთ ხელი! რალას უცქერით თქვე ღრჩხუბო!
მხოლოდ ერთი ნაბიჯი და— ის ჩვენს ხელთ ჩქნებას—
კვლავ ღრიალებდა ლომი, მაგრამ მის ხმას ძალა დაჰ-
კარგვოდა, თვითონაც დაღლილს, ენა გადმოეგღო და
ძლივსლა სუნთქავდა.

გაბოროტებული მტაცებლები ელდანაცემებით
გაოცებული იდგნენ, ვერც მაღლა აეხედნათ, რადგან
მზე თვალს სჭრიდა მათ, ვერც ძირს დაეხედნათ, რად-
გან იქ გააფთრებული ლომი ელოდათ.

მზე კი სულ ზევით, ზევით იწევდა! თითქოს დასცი-
ნაო, თავისი სხივები მოჰფინა ჯერ მთის წვერს და ახ-
ლადაღმართულ კედელს, მერე ძირს ჩაცურდა და მა-
ცოცხლებელი სხივები დააყარა გარემოს; ალერსით, სიყ-
ვარულით გადმოხედა ქვეყნიერებას, გამოაცოცხლა ყვა-
ვილები, ბალახი, ტყე... ჩიტუნებმაც გაიღვიძეს, ახლად-
აღმართულ კედელს შემოუხსდნენ და საზეიმო საგალო-
ბელი უმღერეს თავიანთ სანატრელ, მუდამ საყვარელ
მნათობს.





სლავოპირი მროპეკი

პოლონელი მწერალი

იუმორისტული მოთხრობა

ერთ პროვინციულ ზოოპარკს რამდენიმე მხეცი აკლდა, მათ შორის სპილოც. სცადეს, დანაკლისი კურდღლების მოშენებით შეეგოსათ, მაგრამ არაფერი გამოვიდა, ბავშვებს სულ სპილო ეკერათ პირზე და ძილშიც მისი გრძელი ხორთუმი ელანდებოდათ.

და აი, ერთ დღეს, ზოოპარკში მოვიდა ცნობა, რომ სპილო მალე ადგილზე იქნებოდა. მაგრამ, ყველასაგან მოულოდნელად დირექტორმა უარი თქვა მის მიღებაზე.

„მე და ჩემი კოლეგები, — სწერდა ის ვარშავაში, — ვალდებულვართ ვიღებთ დაგამზადოთ საჭირო მოცულობის სპილო, გაეზეროთ ჰაერით და დავაყენოთ ზოოპარკში. სპილო ხომ ძნელად მოძრავი ცხოველია, არ დარბის და არ ფართხალებს. ნამდვილი სპილოსათვის განკუთვნილი თანხა კი შეიძლება გამოვიყენოთ სკოლებისა და ბავშვების მშენებლობაზე“.

ჩანდა, დირექტორი, ამ უცნაური წინადადებით, კარიერასა და ჯილდოს უმიზნებდა.

ეტყობა, წერილი მოხვდა ასეთივე უგულო მოხელის ხელში, რომელიც ღრმად არ ჩასწვდა მის შინაარსს და სასწრაფოდ დაამტკიცა ეს გეგმა.

თანხმობის მიღებისთანავე დირექტორმა გააკეთებინა ძალზე დიდი რეზინის სპილო. ზოოპარკის ორ გუშაგს დილაშუალოდ უნდა გაეზერათ იგი. ჩაიკეტნენ ისინიც ფარდულში და წინიდან და უკნიდან დაუწყეს ბერვა, მაგრამ რა: ლოყები მეზურნეებივით ებერებოდათ, სპილოს კი არაფერი ეტყობოდა...

შუბი, კედელში გამოყვანილი გაზის ონკანი შენიშ-

ნახატები

თ. სამსონაძისა

ნეს. შეუერთეს სპილოს და მალე მათ გასახარად ფარდულში უშველებელი ცხოველი იდგა: დაქანებული ტანით, სვეტების მსგავსი ფეხებით, პარტყუნა ყურებითა და განუყრელი ხორთუმით.


დილით ადრე სპილო გადაიტანეს მისთვის სპეციალურად მომზადებულ მოედანზე, მაიმუნების ვალიების ახლოს. ბუნებრივი კლდის ფონზე იგი მრისხანედ გამოიყურებოდა. მის წინ მოთავსებული იყო დაფა წარწერით: „განსაკუთრებით მოუქნელია — სავსებით ვერ მოძრაობს“.

ყველაზე პირველი სტუმრები ადგილობრივი სკოლის მოსწავლეები იყვნენ. მასწავლებელს სურდა სპილოზე თვალსაჩინო გაკვეთილი ჩაეტარებინა, შეაჩერა მის წინ მთელი ჯგუფი და დაიწყო:

— სპილო ბალახის მჭამელი ცხოველია. ხორთუმის დახმარებით იგი გლეჯს ნორჩ ხეებს და აცლის, მათ ფოთლებს.

მოსწავლეები ელოდნენ, რომ სპილო ამოგლეჯდა რომელიმე ხეს, მაგრამ იგი უძრავად იდგა.





— ...სპილო თავისი წარმოშობით გადაშენებულ მამონტებიდან მოდის. ამიტომ გასაკვირი არაა, რომ იგი ყველაზე უდიდესია დღეს არსებულ ხმელეთის ცხოველთა შორის.

შედარებით ბევრითი მოსწავლეები იწერდნენ.

ზოოპარკში ამოვარდა მსუბუქი ნიაფი.


— ... მოზრდილი სპილოს წონა მერყეობს ოთხიდან ექვსი ათას კილოგრამამდე.

ამ დროს სპილო შეინძრა და ჰაერში აიწია. მცირე ხანს იგი მიწის ზედაპირზე ირწეოდა, მაგრამ ქარმა ზევით აიტაცა და მთელი მისი გამოსახულება მტრედისფერ ცის ფონზე გამოჩნდა. შემდეგ კიდევ მაღლა აიწია და ქვემოდან მოჩანდა გაჩაჩხული ფეხების ოთხი წრე, სქელი მუცელი და ხორთუმის წვერი. ქარმა ბოლოს იგი პორიზონტალურად წაიღო, გადააფრინა ლობეს და მიმალა ხეთა მაღალი კენწეროების მიღმა.

თავზარდაცემული მაიმუნები ცაში იცქირებოდნენ.

სპილო აპოვეს უახლოეს ბოტანიკურ ბაღში, სადაც იგი დაცემისას კაქტუსს დასტაკებოდა და გამსკდარიყო.

თარგმნა ა. თაყაიშვილმა



მასწავლებელი: აბა, ჯიმ, მითხარი, როგორ შეგიძლია შენ დაამტკიცო, რომ დედამიწა მრგვალია?

ჯიმი: მე არ მიტყვამს სერ, რომ დედამიწა მრგვალია.

* * *

ტომი: მამა, სასადილო ოთახში დიდი შავი კატაა.

მამა: ეგ კარგი ნიშანია. შენ ხომ იცი, — შავ კატას ბედნიერება მოაქვს.

ტომი: როგორ არა! მან შენი სადილი შეჭამა.

* * *

მასწავლებელმა მოსწავლეებს დაავალა დაეწერათ პატარა მოთხრობა ფეხბურთზე. ერთმა მოსწავლემ სწრაფად დაამთავრა წერა და რვეული მასწავლებელს მიაწოდა, მასწავლებელმა რვეული გადაშალა და წაიკითხა: «კოკისპირულად წვიმდა; თამაში არ შედგა».

* * *

მასწავლებელი: ჯონ, რატომ დავიგვიანე?

ჯონ: იმიტომ, რომ გვიან გამოვედი სახლიდან.

მასწავლებელი: მერედა, რატომ არ გამოსვედი ადრე?

ჯონი: იმიტომ, რომ უკვე გვიან იყო ადრე გამოსვლა.

* * *

ინგა მაგიდასთან მისკუბულიყო და რვეულის ფურცელზე ფანქარს აწვალავდა.

— ინგა, რას აკეთებ? — შეეკითხა დედა.

— წერილს ვწერ მეგობარს.

— კი მაგრამ, შენ რომ წერა არ იცი!

— მერე რა, არც მან იცის კითხვა.

* * *

— მე ვიბან, შენ იბან, ის იბანს. — რომელ დროს ეკუთვნის ეს ზმნა? — შეეკითხა მასწავლებელი კლასს.

— კვირას, პატივცემულო მასწავლებელო.

ფული არ ყარს

ამ ამორალურ გამოთქმას ასეთი საფუძველი აქვს: ცნობილმა მილიონერმა როტშილდმა რუსეთის მეფეს—ნიკოლოზ მეორეს ფული ასესხა და დიდი სარგებელი აიღო. ამ ფულით ნიკოლოზ მეორე მუშათა მოძრაობას ახშობდა და ებრაელებს არბევდა, ე. წ. «პოგრომებს» აწყობდა. როტშილდი ებრაელი იყო და, როდესაც ეს ამბავი გაიგეს, უთხრეს: —შენს სიმდიდრეს ებრაელების სისხლის სუნი უდისო. როტშილდმა უპასუხა: «ფული არ ყარსო»...

ზოგნი ამ გამოთქმას რომის იმპერატორ ვესპასიანეს მიაწერენ. ამ მბრძანებელმა რომში სახელი გაითქვა, როგორც დიდმა მფლანგველმა. სახელმწიფოს ხარჯების დასაფარად მან ფესხადგილის გადასახადიც კი შემოიღო. შეიღმა ტიტემ მამას უთხრა: ასეთი გადასახადი აბა რა საკადრისიაო? ვესპასიანეს გადასახადში აღებული ფული შვილისთვის ცხვირთან მიუტანია და უთქვამს: «ხომ არ ყარსო?»

ამ გამოთქმას ასეთი აზრი აქვს: ფულის საშოვნელად ყოველგვარი ხერხი დასაშვებია, ყოველგვარი საქციელი გამართლებულიაო.

ერუნდა

ბერს ჰგონია, თითქოს ეს რუსული გამოთქმა იყოს. არა, იგი ლათინური სიტყვიდან, კერძოდ—

ზატომ ვამხოთ ასე.

საქართველო
2021 წლის

ზმნის ერთ-ერთი ფორმის სახელწოდებიდან—«გერუნდივიდან» არის წარმოშობილი. ზმნის ეს ფორმა მეტად ძნელი გასაგები ყოფილა მოსწავლეებისათვის და ამიტომ მისთვის სისულელე —«ერუნდა» უწოდებიათ.

ამ გამოთქმას ახლა საერთოდ სისულელის სინონიმად ხმარობენ.

რეკანში

გერმანია-საფრანგეთის ომის დროს, 1703 წელს, ფრანგებმა დაამარცხეს გერმანელები ქალაქ შპეიერ-ბახში. 1704 წელს გერმანელებმა სძლიეს ფრანგებს და მათი მარშალი ტალარიც ტყვედ წაიყვანეს.

როდესაც ფრანგი მარშალი გერმანელ სარდალს წაუდგა, გერმანელმა პრინცმა ჰესენკასელმა უთხრა მარშალს ფრანგულად:

— აჰ, ზატონო მარშალი, ეს შპეიერბახის რეკანშია!

მას შემდეგ ეს გამოთქმა მთელ მსოფლიოს მოედო.

ახლა სიტყვა «რეკანში» ძალზე ხშირად იხმარება განსაკუთრებით სპორტში; იგი სამაგიეროს გადახდას ნიშნავს.

ვარსზე

ერმუნეთ

ნახ. თ. სამსონაძისა

ირაქი მარაქი

ჩემი მწერალი

იუმორისტული მოთხრობა

ერთხელ, დილით, სამყაროში ახალი რალაც გამოჩნდა... მაგრამ სწორი არაა იმის თქმა, რომ ეს დილით იყო, რადგან სამყაროში ყოველთვის კოსმოსური ლამე მეფობს. მაშასადამე, უკეთესია, თუ ვიტყვი, რომ ერთ-

ერთ ისეთ ლამეს, როცა პლანეტა დედამიწაზე დაახლოებით დილის ოთხი საათი იყო, ჰორიზონტზე გამოჩნდა ახალი რალაც, რომელმაც საყოველთაო ყურადღება დაიმსახურა. ეს „რალაც“ მრგვალი იყო და პატარა. იგი მთვარესავით ბრუნავდა, მაგრამ მთვარე არ იყო. მას საკუთარი ორბიტა ჰქონდა, მაგრამ ეს არ იყო ვარსკვლავთ ორბიტა. ერთი სიტყვით, ეს „რალაც“ სრულებით თავისებურად იქცეოდა. ვარსკვლავები, რა თქმა უნდა, ცნობისმოყვარეობით აციმციმდნენ, ხოლო რამდენიმე კომეტა დედამიწისაკენ გამოექანა, რომ ეს „რალაც“ უფრო ახლოდან დაეთვლიერებინათ. „კოლეგა,— განაცხადა ერთმა მათგანმა,—ეს ახალი ვარსკვლავია. ერწმუნეთ ჩემს ნათქვამს, მე ასეთ რამეში გამოცდილი ვარ“.

— საინტერესოა, რა სიჩქარე უნდა ჰქონდეს, ან რა სიმაღლეზე დაფრენს? გავარვარებულა თუ ცივი?—კითხულობდნენ მეტეორები.

კომეტები მხრების აჩეჩით პასუხობდნენ და კულებს ისწორებდნენ. „ეს ჯერ არაფერ არ იცის“,—თქვა ბოლოს ერთმა მათგანმა. მე ვფიქრობ, რომ ის გავარვარებულა, თავდაპირველად კი ცივი იყო. ის ხომ იონისფეროს ეხახუნება და ამის გამო ვარვარდება“.

— რას არ იტყვიო!—ბუზღუნებდა მთვარე, რომელიც ახლადმოსულში არასასურველ კონკურენტს ხედავ-

და.—ეს რაღაც უბრალო ბირთვია და საპაერო ბურთი-
ვით დაფრენს. ღირს კი მასზე ლაპარაკი?!

აქ ერთმა კომეტამ შეჰყვირა: „ქალებო, ყურადღება,
ის სურათს იღებს“.

— ღმერთო კი მომკალი! ცოტა კუდი გამისწორეთ,
თქვენ გენაცვალეთ, და ნულარ გაინძრევით!

საკუთარი ბრწყინვალეობით დაბრმავებული მზე თვა-
ლებს ჭუტავდა:

— თუ შეიძლება, ერთი კარგად შეათვალერეთ,
ლაქები ხომ არ არის მასზე?



— რისი ლაქები, ძვირფასო, ისეა გაკრიკლებული,
რომ... რაღაც ნემსებიცა აქვს...

— სამწუხაროა, მაგას რომ ლაქები ჰქონდა, ეგ ნემს-
ლება ახალი მზე ყოფილიყო.—ნაღვლიანად თქვა დიდ-
მა მზემ და კვლავ თავის პროტუბერანციებს მიუბრუნდა.

— მეგობრებო!—წამოიძახა რომელიღაც მეტეორი-
ტმა,—მარსზე აურზაურია. იქ როგორღაც იმ დასკვნამ-
დე მივიდნენ, რომ თითქოს ეს ბურთი ვილაცას დედამი-
წიდან გამოუშვია; ეს კი, მარსელების აზრით, იმას ნიშ-
ნავს, რომ დედამიწაზეც არის ხალხი!

— გინდა დამიჯერეთ და გინდა არა,—გაოცებით ამ-
ბობდა ახალგაზრდა მეტეორი, რომელიც ამ დროს სწო-
რედ მარსის მხრიდან მოფრინავდა.—იქ, მათთან, ჯერ
კიდევ საშუალო საუკუნეებია. ახლახან კოცონზე დასწ-
ვეს ერთი მარსელი, რომელიც ამტკიცებდა, რომ მარსი
სამყაროს ცენტრი არ არისო, რომ იგი მზის გარშემო
ბრუნავს და იუპიტერზე ნაკლებიაო.

— ნუ გიკვირთ,—მარსი ხომ სამხედროა და ამიტო-
მაც მეცნიერებისაკენ მიდრეკილება არა აქვს.

ერთი სიტყვით, დედამიწამ, ამ მრგვალი საგნის წყა-
ლობით, სამყაროში სენსაცია მოახდინა. სატურნი ბრა-
ზით იესებოდა: „რა უცნაურობაა?! მე, მაგალითად, გარ-
შემო რგოლი მაქვს და ყოველგვარი საინტერესო ასტ-
რონომიული მოვლენები მახასიათებს. ჩემს გარშემო ყი-
ნულისა და ქვის ნატეხები დაფრინავენ. ერთის ნაცვ-
ლად ცხრა მთვარე მაქვს და როგორ მოგწონთ?—მე
ყურადღებას აღარავინ მაქცევს!

— მოწყალეო ხელმწიფეგ!—გრგვინავდა იუპიტე-
რი,—კეთილი ინებეთ და ნუ ტრაბახობთ. მე, თქვენ რომ
იცოდეთ, თორმეტი მთვარე მახლავს, მაგრამ ყველა დე-
დამიწას შეჰყურებს. სანაძლეოს დავდებ, რომ ამ მქრო-
ბადმა პრანჭიამ განგებ მოიგონა ეს ყველაფერი. თქვენ
ვერც კი წარმოიდგენთ, რის გაკეთება არ შეუძლია
ქალს, რომ სამყაროს ყურადღება მიიბყროს. სილამაზით
ეგ არა ბრწყინავს! რაღაც ერთი საწყალი მთვარე გააჩ-
ნია და ეგ არის. ჰოდა, ეგეც ადგა და ხელოვნური თა-
ნამგზავრი გაიკეთა. განა მჭირდება, მაგალითად, მე,
თანამგზავრების გაკეთება, როცა თორმეტი ნამდვილი
მთვარე მახლავს.

კომეტებმა, ამ ახალი საგნის ახლოს რომ გაიჭრო-
ლეს, ერთხმად დაიწრიბინეს:

— გესმით? ის ლაპარაკობს, ის უსტვენს!

და მართლაც, მდუმარე, გაოცებულ კოსმოსურ სამ-
ყაროში სუსტი ხმა ისმოდა: პირველი საბჭოთა თანამგ-
ზავრი თავის სიგნალებს გადასცემდა. ისინი ბარტყის
წივ-წივს მოგაგონებდათ, ბარტყისა, რომელიც ოდესმე
არწივად ეტყევა. დედამიწა უსმენდა მას და სიხარულით
იღიმებოდა.

თარგმნა ა. ხაბელაშვილი

რძის ხე

ცენტრალურ და სამხრეთ ამერიკაში ხარობს ხე, რომელიც რძის მსგავს წვეს იძლევა. ამიტომ ნაწილიდან საათის განმავლობაში ხე ლიტრზე მეტ რძეს იძლევა. შედეგების შემდეგ ამ სითხეს სანათლის დასამზადებლად ხმარობენ.



საშუა რადიომიმლევი

ნახევარგამტარების გამოგონებამ და სხვა გაუმჯობესებებმა ინჟინრებს საშუალება მისცა საოცრად შეემცირებინათ რადიომიმლების მოცულობა. პირველად გაჩნდა პატარა რადიომიმლები, რომლებიც ქაშის ბალთაში, ქუდში ან მაჯაზე საათის მსგავსად იყო მოთავსებული, მაგრამ ახლახან გამოიგონეს სავსებით მინიატურული რადიომიმლები—მას საყურების ნაცვლად ატარებენ. დენის ბატარეა თვით რადიომიმლებშია მოთავსებული. ცხადია, ყურთან ძნელია რაიმე ანტენის გაკეთება, მაგრამ ეს არც არის იმდენად აუცილებელი, რადგან მიმლევი ანტენის ვარშეც კარგად მუშაობს.



კრანანებისა უხვარო მუსიკა

ცნობილია, რომ მუსიკის ძალა ცხოველებზეც მოქმედებს. და არა მარტო ცხოველებზე, თვით მწერებზედაც კი. ამბობენ, რომ, როცა ბეთოვენი თავის მეშვიდე სიმფონიას ასრულებდა, ბუზი მოფრინდებოდა და ჭერზე იჯდა მანამ, სანამ კომპოზიტორი უკრავდა.

ამას წინათ, შავი ზღვის სანაპიროზე, ვინმე ვ. პევიშკისმა ასეთი რამ შენიშნა: როცა რადიოს მიმლევაში კონცერტს გადმოსცემდნენ, კრაზანები მოფრინდებოდნენ ხოლმე და რადიომიმლების დინამიკზე სხდებოდნენ. ამ დროს ისინი არავის ერჩოდნენ. კონცერტის დამთავრებისთანავე, კრაზანები იქაურობას ტოვებდნენ.

რბ ხნის არის სიმიწილი?

ამის წინათ ამერიკის შტატ ნიუ-მექსიკოში აღმოაჩინეს სიმიწილის ტარო, რომლის ასაკი 5.600 წლით განსაზღვრეს.



ფრთოსანი მებაღეები


იყო დრო, როცა ჯავზის ხე, რომლიდანაც საუკეთესო ხარისხის ზეთსა და სხვა პროდუქტებს ამზადებდნენ, მხოლოდ პოლანდიის კოლონიებში ხარობდა. პოლანდიელი კოლონიზატორები ყოველ ღონეს ხმარობდნენ, რათა ეს ძვირფასი ხე არ გავრცელებულიყო მათ კოლონიებს გარეთ.

ზღვაოსნობის განვითარების შემდეგ, პოლანდიელმა ვაჭრებმა ჯავზის ხეები შეამჩნიეს ისეთ კუნძულებზე, სადაც ისინი წინათ არავის ენახა. რაოდენ დიდი იყო მათი განცვიფრება, როცა აღმოჩნდა, რომ ამ „ზოროტებას“ ჩადიოდნენ მწვანე მტრედები: ამ ფრინველებს თურმე თავიანთი კუჭით გადააქონდათ ჯავზის თესლი სხვა კუნძულებზე.

არის მცენარეთა ისეთი ჯიშები, რომელთა თესლი არ გაღვივდება, თუ იგი წინასწარ ფრინველის კუჭში არ მოხვდა. და, აი, ჯავზის ხეც სწორედ ამ ჯიშებს ეკუთვნის.

უზარმაზარი ქანდაკება

ინდოეთში, ქალაქ მაისორიდან 60 კილომეტრზე, 983 წელს აგებული იქნა ბუდას უზარმაზარი ქანდაკება. მისი სიმაღლე 20 მეტრია. ეს, ერთი მთლიანი ქვისაგან გაკეთებული ყველაზე დიდი ქანდაკებაა მსოფლიოში. ამ სურათზე, რომელზედაც თქვენ ხედავთ ბუდას ქანდაკების ერთ ნაწილს და ადამიანის ფიგურას, კარგად ჩანს ქანდაკების გრანდიოზულობა.



ოგობა ეხმარება ასტრონომებს

არსებობს ისეთი ტელესკოპები, რომელთა სათვალთვალო მილში უწვრილესი ძაფებია განლაგებული. ეს ძაფები საჭიროა ზოგიერთი სახის ზუსტი გაზომვისათვის. ზოგჯერ ამ მიზნით ოგობას ქსელსაც იყენებენ. ინგლისის ერთ-ერთ ოპტიკურ ქარხანაში სპეციალურად სწავებდნენ საკითხს იმის შესახებ, თუ ოგობას რომელ სახეობას შეუძლია მოგვცეს საუკეთესო „ასტრონომიული“ ძაფი. იქვე არსებობს ე. წ. „ოგობების ფერმაც“, სადაც ხდება შერჩეული ოგობების მოშენება.

სირაქლემა რძინას ყლაპავს

სირაქლემა მეტად გაუმძაფარი ფრინველია, რასაც კი მოიხელთებს, ყველაფერს ყლაპავს. ერთი მკვდარი სირაქლემას კუჭში ნახეს მოზრდილი კენჭი, 7 ლურსმანი, დიდი ქინძისთავი, კონვერტი, 13 სპილენძის ფული, 14 შიკი; 2 პატარა გასაღები, ცხვირსახოცის ნაჭერი, ვერცხლის მედალი და ლითონის პატარა ჯვარი. სამხრეთ ამერიკის უდაბურ ადგილებში, სადაც რკინიგზა გააყვდათ, ხშირად ეკარგებოდათ ფოლადის ქანჩები და ტანჯიკები. გამოირკვა, რომ მათ იპარავდნენ სირაქლემები.

მონორელსი

კვასუხობთ შპკითხვებზე

1961 წელს ამერიკაში განზრახული აქვთ გამოფენის მოწყობა დევიზით: „XXI საუკუნე“.

რას ნახვენ დამთვალიერებლები იქ? გამოფენის მესვეურებს არ სურთ საიდუმლოს გამხელა, მაგრამ ერთი კი დღესაც ცხადია: დემონსტრირებული იქნება ერთგვარიანი კიდული ტრანსპორტი.

უნდა ითქვას, რომ ასეთი ტრანსპორტის იდეა ახალი არ არის. აი, უკვე ორმოცდაათი წელია, მონორელსიანი ტრანსპორტი მომსახურებას უწევს გერმანიის ერთ-ერთ ქალაქს. მაგრამ მომავალ საუკუნისადმი მიძღვნილ გამოფენაზე მისი გამოტანა თავისთავად მეტყველებს ამ ტრანსპორტის დიდ მომავალზე. სპეციალისტები „მონორელსს“ მომავლის ყველაზე პრაქტიკულ ტრანსპორტად თვლიან. არ შეიძლება ამაში არ დავეთანხმოთ მათ.

ამ სახის ტრანსპორტისადმი ინტერესი ბოლო დროს დიდად გაიზარდა. უკანასკნელ წლებში ინგლისში, ავსტრალიაში, კანადაში, ერთი სიტყვით, ყველგან სცდიან „შაერის ტრანსპორტს“. ჩვენშიც ჰყავს ამ კარგ საქმეს ენთუზიასტები, ჩვენშიც არის რამდენიმე საინჟინერო პროექტი...

ხომ დაკვირვებისაღი ელექტრომობილის სვეტებს? აი, სწორედ ასე, რკინა-ბეტონის ესტაკადა გადაკვეთს მდინარეებს, გადაევილება

მთასა და ველს, ზედ კი მავთულების ნაცვლად ერთი მომხსო რელსი იქნება გადებული. ამ რელსზე დაკიდებული ვაგონი მშვენიერი შესახედაობისა იქნება, ლამაზი, მოხდენილი, ვერცხლისფრად მოლაპლაპე. ესაა და ეს! ასეთი იქნება ამ ტრანსპორტის გარეგნული სახე. შაერის ტრანსპორტს ელექტროდენი ან შიდა წვის ძრავა აამოძრავებს. რელსზე ხუთი ბორბალი იქნება მიდგმული: ერთი ქვემოდან, ორი—გვერდიდან და ორიც—ზემოდან, საყრდენი ბორბლები.

სად გაკეთდება ჩვენში პირველი მონორელისი?

ეს, ალბათ, ყარაღანდაში იქნება, სადაც ქარხანა ქალაქს თხუთმეტი კილომეტრით არის დაშორებული. ევოში, შესვლის შემდეგაც კი, ვიდრე თავის საამქროს მიადწევდეს, მუშას კილომეტრების გავლა უხდება. მონორელსი კომპლექსურ საწარმოსთან ჩამოარჩევს ხალხს. მოგზაურობა არა მარტო იაფი, არამედ სასიამოვნოც იქნება, რადგან მონორელსი სავსებით უხმაუროდ იმოძრავებს. ამასთან, მას დიდი გამტარუნარიანობაც ექნება—საათში ორმოც ათას კაცს გადაიყვანს.

მონორელსის სისწრაფე თვით მეტროს მგზავრებსაც კი შეშურდებათ. იგი საათში ას კილომეტრ სისწრაფეს განავითარებს.

მაგრამ ეს ციფრიც არ არის ზღვარი. მას სისწრაფეში ხმელეთის ვერც ერთი ტრანსპორტი ვერ შეედრება. მოსკოვში ახლა ფიქრობენ ქალაქი აეროდრომს სწორედ ამ ხერხით დაუკავშირონ. მაშინ 45 კილომეტრიან გზას მგზავრები სულ რაღაც 15 წუთში გაივლიან. შეიძლება ვინმეს დაეხადოს კითხვა—სახიფათო ხომ არ იქნება შაერის ტრანსპორტით მგზავრობა?—არა. ამ გზით მგზავრობა სავსებით უხიფათო იქნება—მასუხობენ ინჟინრები.

შეიძლება კიდევ ბევრი გვეთქვა ამ გზის ღირსებაზე, მაგრამ სრულიად არ საქირობს ქებას—ის თავისთავად საქირო გახადა ცხოვრებამ.

ენთუზიასტები იმასაც კი ფიქრობენ, რომ მონორელსი თვითმფრინავს შეაჯობონ. მართლაც, რა დაშავდება, თუ მოსკოვსა და შავი ზღვის სანაპიროებამდე მონორელსით იმოგზაურებს ხალხი. ასეთ გრძელ მაგისტრალზე იგი 400 კილომეტრ სისწრაფეს განავითარებს, თვითმფრინავთან შედარებით კი ის უპირატესობა ექნება, რომ ყოველგვარ ამინდში იმოძრავებს.

სულ მალე შაერის გზა ჩვენს ცხოვრებაში ჩვეულებრივი ამბავი იქნება და, თქვენ რომ გაიზრდებით, გაგვიკვირდებათ კიდევაც, სულ რაღაც წლის წინათ მის ღირსებებზე რომ წერდნენ თქვენს უთრანსოში.



ერთხელ მეფე ერეკლეს ჯარი ლაშქრობის შემდეგ მთაში ტყიან ადგილზე იდგა. ღამით ცივი ამინდი დაჰტარა თურმე. სარდლებმა შებრძოლებს ბრძანება მისცეს ცეცხლის დასანთებად ტყიდან შეშა მოეტანათ. მეფე ერეკლე ამ დროს იქ არ იყო, ჩანდა, სადაც გასულიყო. მცირე ხნის შემდეგ სარდლებმა დაინახეს, რომ მეფეს მებრძოლებთან ერთად

შეშა მოჰქონდა. მან შეშა სარდლებთან ახლო ადგილზე დაყარა და მიმართა: «მე ჩემი წილი შეშა მოვიტანე, თავადებისა და თქვენი კირა მოგახსენოთო». სარდლებსა და თავადებს, რასაკვირველია, ძალიან შერცხვათ და ყველანი შეშის მოსატანად წავიდნენ.

* * *

ერთ გაზაფხულზე მეფე ერეკლე თავის ჯარით ტყეში ჩამომხტარიყო და ისვენებდა. მეფე ხის ქვეშ ნახაღზე იჯდა, მას აქეთ-იქით სარდლები უხსდნენ, თავზე კი შეიღია შეიარაღებული ხევსური ადგა.

ამ დროს სარდლები სხვადასხვა ამბებს ყვებოდნენ. მეფემ, თითქოსდა მოულოდნელად, ჩოხის კალთაზე დაიხედა და ნახა, რომ კალთა გარღვეული ჰქონდა.


ჯიბიდან პატარა, ლამაზი ბოხჩა ამოიღო. ზონარი მოხსნა. მეომრები გაკვირვებით თვალს ადევნებდნენ. ბოხჩაში აღმოჩნდა სხვადასხვა ფერი ძაფი, შიგ გარტობილი ნემსები, პატარა მაკრატელი, პატარა კალმის საჭრელი დანა, წუმწუშა, კალიკვსი, ანელი, პატარა საწერი ქაღალდი, ფანქარი, დარიჩინი, რევანდი გვარჯილა, შაქრის ყინული და სხვა.

ყველა—ცოტაოდენი რაოდენობით. ყველა ეს აჩვენა და დაუმატა: «ესენი სულ უთუოდ ყოველ მებრძოლს უნდა ჰქონდეს, იცოდეს კიდევ მისი მოხმარება, რა ვიცით როდის და როგორ დაგვიკრიდება. ამ ბოხჩაში სულ არის, რაც საჭიროა თითოეული მებრძოლისათვის. მე ესენი გამოცდილებითა მაქვს ნასწავლი და კიდევ დამპირებია. ბევრჯერ ტყეში დავრჩენილვარ დღე და ღამე. მანამდე მხედრობა მოკრეფილი».

ამის შემდეგ ნემსზე ძაფი ააგო და თავის ჩოხის გარღვეული კალთა კარგად გამოკერა.

აბა გაიხსენეთ!

ჰორიზონტალურად განლაგებული 32 სტრიქონის უჯრედებში ჩაწერეთ გ. ტაბიძის ლექსების სათაუ-



რები ისე, რომ სიტყვებს შორის ცარიელი უჯრედი არ დაგრჩეთ.



შეადგინა რ. გელაშვილმა



თავსაბანი

გაჰყავით ეს ფიგურა სამ ნაწილად და დაალაგეთ ისე, რომ მიიღოთ კვადრატი.

ა. ხახკინი



სცადეთ!

ოქვენს წინაშეა ასანთის ღერებისაგან შედგენილი ხუთი ტოლი კვადრატი. საჭიროა მოაკლოთ მას ასანთის სამი ღერო ისე, რომ დარჩეს სამი ტოლი კვადრატი აბა, სცადეთ!

ბ. გველგხიანი

გაზოცანა

მართალია, თვითონ იგი წყალში იბადება, მაგრამ წყლისა ეშინია, — წყალში იკარგება.

შ. ამირანაშვილი

საოცროდ ნიშნავს ახალი სერია

ფილატელისტების კოლექციას ბავშვთა ნახატი საფოსტო ნიშნების ახალი სერია შეემატა.

გასულ წელს, ჩვენი სამშობლოს დედაქალაქში ჩატარდა საკავშირო კონკურსი, — „ჩვენ ვხატავთ საფოსტო ნიშნებს“, რომელიც საბჭოთა კავშირის კავშირგაბმულობის სამინისტრომ, გაზეთ „პიონერსკაია პრავდამ“ და კოლექციონერთა მოსკოვის საქალაქო საბჭომ მოაწვეს.

კონკურსზე წარმოდგენილი 12.000 ნახატიდან 4-მა მიიღო პირველი პრემია; ეს ნახატები შემდეგ საფოსტო ნიშნებად დაიბეჭდა.

აი, ისინიც: 1. „ყველა ეროვნების ბავშვთა მეგობრობა“, ავტორი—14 წლის სვეტლანა კახაკოვა; 2. „კოლმეურნეობაში“, ავტორი—11 წლის ლიდა ნოსოვა; 3. „ზამთრის დილა“, ავტორი—13 წლის ნინა სოკოლოვა; 4. „ზოოპარკში“, ავტორი—9 წლის დიმა ბარხინი.



გარეკანზე — „სკოლისაკენ“, ნახატი რევაზ ცუცქირიძისა

